

6. რიხთქიჯიჯიჯი
პიბიხინთა

1914-8
1901-

3. 8.

წელიწადი პირვლი.

№ 11.

ფასი 20 კაპ.

9

განთიადი

ორკვირული სამეცნიერო, სა-
ლიტერატურო და საპოლიტიკო
ჟურნალი.

შ ი ნ ა ა რ ს ი:

1. * *, ლექსი, ს. ტაიფუნისა.
2. ამირანის ცეცხლი, დ. თურდოს-
პირელისა.
3. დაუწყებელი მოთხრობა, ნ. ლორ-
თქიფანიძისა.
4. სალდგამო კაბა, დასასრული,
კირილე წუთისოფელისა.
5. ბრწყინვალე მომავლისკენ, გაგრ-
ძელება, ივ. იანისა.
6. რედაქციისგან.
7. სალაცხო წერილები, პეტრე მი-
რიანიშვილისა.
8. ქუთაისი, ია ვარდიძისა.
9. კრიტიკა. ილია ჭავჭავაძე, რო-
გორს ლირიკოსი—პოეტი, ხომ-
ლელისა.
10. ქართული პრესა.
11. სადღესო, მ. ხონელისა.

1 ივლისი 1915 წ.

ქ უ თ ა ი ს ი

სტამბა „ძობა“, ქარვასლის ქ., სახლი ჩარეკოვისა.

მიიღება 1915 წ. ჰინჯულ ინანჯრიდან ხელის მოწერა სამეცნიერო და სა-
ლიტერატურო და საზოლიტიკო კურნალ

„გ ა ნ თ ი ა დ“ - ზე,

რომელიც გამოვა ორკვირაში ერთხელ ხომლელის ხელმძღვანე-
ლობით.

წლიურათ ჟურნალი ელირება 4 მან. 60 კაპ., ნახევარი წლით 2 მან. 30 კაპ.,
სამი თვით 1 მან. 15 კაპ., თვიურათ 50 კაპ., თითო ნუმერი აბახათ.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ. ხე-
ლის მოწერისას 2 მან. 60 კაპ., პირველ აპრილს—1 მან. და პირველ ივ-
ნისს—1 მან.

ქუთაისში ხელის მოწერა შეიძლება ისილორე კვიცარიძესთან, თომა მთავრიშვილ-
თან და ძმ. ოცხელების წიგნის მაღაზიაში, თფილისში წ. კ. გ. საზოგ. მდივანთან,
ბაქოში, ქართული სკოლის გამგე მეთოდე კაკაბაძესთან, ფოთში კოწია გამყრ-
ლიძესთან, ხონში—გიგლა მებუკესთან, ბათომში სოსიკო მდივანთან, სოხუმში
ანთიმოზ ჯუღელთან და კავკავში თ. იასონ მერაბისძე ლორთქიფანიძესთან.

ფული უნდა გამოიგზავნოს ამ მისამართით: Гор. Кутаисъ. Роману Спиридо-
новичу Панцхава.

ამიერიან ძ. ქუთაისში გამოდის ახალი გაზეთი

„საფოთლო“

გაზეთის ფასი: წლიურათ 8 მ., ნახევარი წლით 5 მ., თვიურათ 4 აბ. ცალკე
ნუმერი ერთი შაური, დამატებიანი— 7 კ.

ესევე გაზეთი დაურიგდებათ „იმერეთის“ ხელის მომწერლებს.

გთხოვთ წერილები და ფული გზავნოთ შემდეგის ადრესით: ქუთაისი, რედაქცია
„საშობლო“, თფილისის ქუჩა, სახლი პ. ი. გოკიელიას.

გაზეთს ყოველ კვირა ექნება ნახატებიანი დამატება, დამატების გამოცემა დამო-
კიდებულია თანამგრძობთა რიცხვის გამრავლებაზე.

ვთხოვთ ომში დაქრილთა და მოკლულთა ნათესავ-მეგობრებს მოგვაწოდონ მათი
პორტრეტები.

ვთხოვთ აგრეთვე ადგილობრივ დაწესებულებას და საზოგადო მიღვაწეებს გვი-
გზავნონ პორტრეტები.

მოწვეულნი არიან ცნობილნი და საუკეთესო მწერალ-თანამშრომელნი. მათი სია
ამ დღეებში გამოქვეყნდება.

რედაქტორი ი. თ. ცინცაძე.

ორგეირული საპოლიტიკო, სალიტერატურო და სამეცნიერო ჟურნალი.

ცელქი სიო ყვაილებსა ღამის ცვარზე პირს უკოცნის,
პოეზიით საესე ექსტაზს ჩანგს უჭღერებს და უცინის...
ცის ასული ნაზ ვთერში ნელის რხევით მისრიალებს,
სხივთ ლეჩაქში ხოვს მიდამოს, ვარსკვლავთ ხომლსა აციმციმებს...

ღრო უსრულებელ ჟამთა სრბოლისა
მიქრის, მიფრინავს შეუსვენებლივ,
მარად ჭაბუკათ სტოვებს ჩემს ჩანგსა,
ყრმობის წიაღზე აუჭღერებლივ...

ოცნების ბაღა
აყვავებულა,
უკვლავი ჩანგი
აუღერებულა. ---
ფრთამ ოცნებისამ
შუქ-მოელვარემ...
ზე ამიტაცა
იმედ მქროლვარემ...

იმედის კოცნამ ფრთაღღემი, შეება მომიძღვნა,
ორძალის წყევამ ჩემ თავზედა გადაირბინა,
მთათა მწვერვალსა ამაცილა, იქ მიმცა ეტლსა,
ჟამთა ქარავანს გადამტყორცნა, მიმცა მთის ნავსა...

სული ჩემი იმედების
ნიავეს გაყვა, ნიავეს მქროლავს.
აღმაფრენა ბედკრულ მგოსნის
ცის უფსკრულში შეებათ ფრინავს!..
მარა, -ვაგლახ, დაიცრიცა,
ძირს ღვეშვი, შავს უფსკრულში;
შევუერთდი ქვეყნის სევდას,
შევსრიალდი მის ღუღილში...

ს. ტაიფუნი.

ამირანის ცეცხლი.

(აკაკის სისვენას)

I.

— რათა დედილო, რათ მიჯაქვეს ამირანი საყორნის მთაზე? — ეკითხებოდა დედას პატარა კაკო, ისეთი სევდიანი გამოჰეტყველებით, თითქოს საკუთარი თვალთ ენახოს ყვავ-ყორნებისგან მკერდ გაღადრული ამირანი.

— იმიტომ, შვილო, რომ ამირანმა რძის პურის ჭმევა დაუწყო ხალხს. მღვდებს ეს არ ექაშნიკათ. მათ უნდოდათ ისევე სისხლით მოზელილი პურით ეკვებნათ ივინი და ამიტომ მოაშორეს ხალხს საბრალობელი.

— მერე, დედილო, მერე... არავინ წასულა მისაშველებლათ?

— წასვლა-კი არავის გაუბედნია, ისეთს შიშსა და ტუქსეაში ყოფილან მღვდებისგან. მხოლოთ ერთ მონადირეს კლდეზე გზა დაკარგოდა და შემთხვევით წადგომოდა თავზე ამირანს. იგი შეხვეწოდა: თუ ძმა ხარ, ე ხმალი მომაწოდე, ვერ მივწლომიღვარო. მონადირე დაწვდომოდა დაქანებულ ხმალს, მარა ძვრაც ვერ ექნა, ისეთი მძიმე ყოფილიყო.

მაშინ ამირანის რჩევით, მონადირე გაწოლილიყო მიწაზე და ორივე ხელებით დაჯაგურებოდა ხმალს. ამირანი კიდე მონადირეს ფეხებს დასქიდებოდა და მოეზინდა. მარა მას ისე საშინლათ დაეყვირა: ვაიმე, დედავ, წელში გავწყდიო, — რომ ამირანს ხელი გაეშვა.

სხვა რო ველარაფერი გავწყოთ, მონადირეს ეთქვა: წავალ, ჯამბარას მოვიტანო. ამირანს დერიგებინა: ვინძლო, ყველაფერი ისე მიახერხო, რომ ძე ხორციელმა ვერა გაიგოს რა, თორე, თუ გაჰქლავნდა — შენი მტერი დავიღუპებო.

მონადირე იმ ღამესვე ჩასულიყო სოფლათ, ჩადედა ჯამბარა გულაში და უთენია გადგომოდა გზას. მარა ამირანისთვის თვალი მოეკრა იმ შეჩვენებულს მის ცოლს და კვიღ-გნისით დადევნებოდა: ამ უდროო დროს საღ ჯანდაბასა და დოზანაში მიხვალ, კაკო, ან რა ეშმაკებისთვის გინდა ეგ ჯამბარაო.

მონადირეს ეთმინა, ეთმინა, კრინტი არ დაუძრავს, რა არის პირობა არ დაეარღვიო — რომ აღარ იქნა და არ მოშორებოდა ნავსი დედაკაცი — დაბრუნებულიყო მონადირე სახლში, ამოეშვლიდა სახრით ის თვალ-დამდგარი, და გულის ხეთქებით ისევე გაქანებულიყო მთისკენ. მარა ამირანისთვის ველარ მიეგნო.

ის დღეა და ეს დღე, აღარავის უნახავს გმირთა-გმირი...

კაკო უზომოთ დაანადვლიანა ამ ამბავმა... გული ჩაუთუთქა... სულ კბილებს აკრაქუნებდა იმ დედაკაცზე, ვისი მეოხებითაც მიუვალი შეიქნა ამირანი...

ხშირი ღამე ჩამოწვა... მთელმა საჩხერემ მიიძინა... ძაღლების ღავღავი-კი შეწყდა და კაკო ისევე ამირანზე ელაპარაკებოდა დედას.

— კარგია, კუჭი, გეყოფა... უკვე შუაღამეა მოტანებული, დაიძინე, — უთხრა დედამ და გაშალა ლოგინი.

დაწვა კაკო, მარა რულიც არ მიკარებია... რალაც მოუსვენრათ ტრიალებდა... ბორგავდა... გონება შავი ფიქრების ქსელში გახლართოდა... კდილობდა დაერღვია იგი... დაენაწვევებინა... გამოეხსნა ხვანჯი... გამოერკვია საკითხი გულის ხმიერი, მარა ვერ ახერხებდა... ფრიალ ჩჩვილი იყო მისი აზროვნობა...

— დედილო... დედი... დიდიიი!... — დაუწყყო ძახილი და ღვიძება დედას, რომელიც ისე დაექანცა მთელი დღე ფუსფუს-საქმიანობას, რომ თვალის მოხუჭვის უმაღლ ღრმათ ჩაძინებოდა...

— აბაიმე, რატომ არ გეყურება, დედილო... დედილო.

— რა იყო, რა ამბავია, შვილო, რატომ არა გძინავს... ხომ არა გტკივა რა — წამოვარდა გულ-გადაბრუნებული მშობელი და ნიაკით ძალათ მიიქრა კაკოსთან...

— მე არა მტკივა რა, დედილოჯან, ეს ამიხენი მხოლოთ: რატომ ღმერთი არ ეშველება ამირანს?... ის ხო კეთილია... სათნო... მას ხო ყველა უყვარს... ის, თურმე, მიცვალებულებსაც აცოცხლებდა და ამირანი ხო ცოცხალია... რა გაუქირდება მისი გათავისუფლება?..

— ისევ ამირანისას ფიქრობ?.. აბა, რა გითხრა, შვილო, რა ვიცი, რატომ არ ათავისუფლებს... ვინ მისწვდება განგების ნებას?... ვინ იცის, იქნება, ნებავე ისიც იობსავით გამოსცადოს სულგრძელობაში...

კაკო უფრო მოიცვა გაურკვეველმა ფიქრებმა, „იქნება, ნებავე მისი გამოცდა“ — უცნაურია... რათ... რისთვის... ვისი გულსთვის უნდა ნებავედეს მისი დაუსრულებელი ტანჯვა... გამოუთქმელი ვაება?!!

უპ, ამირანი რომ აეშვას, რა ბედნიერებას მოგვანიჭებდა... ყველას გაახარებდა... ყველას რძის პურს გაუჩენდა... ქვეყნიანთ ობლებიც აღარ ილასლასებდნენ კარიდან-კარათ სათხოვნელათ...

ძალმომრეობას და უკმეხობას ხომ ამოუვდება ქოქსა და გასაგის.

ჩვენს აღრინებულს მოუტრავს უჩვენებდა, როგორც უნდა საბრალო გლეხების ქედზე სახრის ყაპა-ყუბი...

არც ჩვენი გიმნაზიის გაუთლელ მასწავლებლებს დაუკონიდა თვალებს, „როზგებით“ მოწაფეების ზურგის აქრულებსთვის...

კაკოს მოაგონდა ერთი შავი დღე, როდესაც ერთმა მასწავლებელმა სამჯერ დაარტყა სახაზავი ხელის გულზე და მთელი ტანით აკანკალდა... ტუჩის ფერი დაკარგა...

— დედილო!..

— რა იყო, შვილო?..

— შე წავალ ღმერთთან... ვთხოვ, გაათავისუფლოს ამირანი...

— შენ-კი გაიხარე, შვილო, შენა!.. ვის გაუგონია ღმერთთან მისვლა?.. ის შორს... შორს... ცაში ბძანდება. აბა, როგორ ავა იქ ადამიანი?..

— როგორ არა, დედილოჯან, შეიძლება ღმერთის ნახვა... აი, ჩიხურას ვაღმა გაწოლილი მთები ხო ცამდის არიან ატყორცნილი... ავალ იმ მთის მწვერვალზე და იქიდან ავტები ცაში...

— არა, შვილიკო, არა!.. შეუძლებელია ცაში ასვლა. აქიდან გეჩვენება, ვითომ მთებთან ცა ისე ახლოს იყოს, რო შეიძლებაოდეს ხელის მიწვდენა... მთაზე რომ ახვიდე, ისევ ისე შორს გამოჩდება, როგორც აქიდან.

— მაშ იცი, რას ვიქმ, დედილო? შარშან ბიძაჩემმა რო მთიდან არწივი მოგვიყვანათქვა: ხშირხშირათ უნდა დავაქრა ფრთები, რომ არ გაგვიფრინდესო... მოდი, ნულარ დავაქრით... დაეზარდოს ფრთები და იმითი გავქროლოვ ღმერთისკენ...

— რათ გინდა, შვილო, არწივი, როდესაც თვით გამოგვზრდება მძლავრი და ღონიერი ფრთები... მაშინ პირ-და-პირ ამირანთან მიიქრები მის გასათავისუფლებლათ.

ახლა-კი დაიძინე, ჩემო ბალის კუნწულო, დილაზე აღრე უნდა ადგე, სკოლაში წასასვლელათ, გულის ნეტარი ჩქაროლით უთხრა დედამ, დაუკონა ლამაზი და ქკვიანი თვლები... ამოუკეცა იღლიებში საბანი... გაღასახა პირჯვარი და წავიდა თვის საწოლისკენ...

ფიქრების მღელვარებით მოდუნებულ კაკოს ახლა-კი მალე ჩაეძინა და დედის ნანასავით შეეტკბო სხივოსანი, ზღაპრული სიზმარი...

სად იყო ახლა მისი ფრთა ქრელი ოცნება?

ვის უფოფინებდა სულს მისი ხალისიანი ტიტტიკი?

II.

— მიაშბე, დედუკებოჯან, კიდევ მიაშბე ზღაპარი, — ეხვეწებოდა კაკო, რომელიც უფრო და უფრო იხიბლებოდა მათი ღრმა აზრებით და ფანტასტიური სურათებით.

— აღარა ვიცი რა, შვილო, რაც მახსოვდა, აკი ვიამბე... ბევრი რაჩ გადამავიწყა ამ დასაქცევმა სიბერემ...

— გეცოდინება, დედილოჯან, უეჭველათ, გეცოდინება... აბა, დაფიქრდი.

— კარგი! ხალხურ „ვეფხისტყაოსანს“ გმტყვი.

— არ მინდა ეგა...

— „სირინოზიანს“ მოგიყვები.

— არა, არც ეგ მინდა... რა ერთი ხანია, რაც ბებიაშ მიაშბო ეგენი...

— არც ეს მინდა, არც ისაო — მაშ, სხვა რაღა გითხრა?..

— რატორელი ზღაპრები მიაშბე, დედი-

ლო, რატირელი... აი, როგორცაა „როსტომი“, ამირანი.

— არა, შვილო, არა. ადრეა შენთვის სევდიანი ზღაპრები... ჯერ ისევ ბავშვი ხარ. ისიც გეყოფა, რაც იცი... მოიცადე... გაიზრდები და შენი უსაყვარლესი შშობელი საქართველო გაიმბობს გულის მომწველ ზღაპრებს.. ის გადავიშლის თვის გულის წიგნს და წაგაკითხებს საშინელს ტრადიკულ თავ-გადასავალსაც...

— მალე გაიზრდები?... მალე გამოიქვამება ფრთები?..

— მალე, მალე გაიზრდები, ჩემო სინბარულო, მალე გაფრთოვანდები... ახლა-კი გაიქვამება გარეთ სათამაშოთ. შევნიერი დღეა. მხოლოდ კოშკების ბურჯებზე ნულარ აფოფხდები... უწინამკ დღე გამოქრება და იმ სიმაღლიდან რო გადმოვარდე, გზაშივე გავფთხვება სული.

— იცი, დედილო, რა კარგათა ჩანს იქიდან კოლხეთის კეკლუცი და მდიდარი არე-მარე? როდესაც იქ ავდივარ, ისე მითავისუფლდება გული, ისე მჩატეთ ვგრძნობ თავს, თითქოს უხილავი ხელებით მეწვოდენ მაღლა... სულ მაღლა... მარა მალე მოვექცევი ხოლმე ბურჯებს თავზე.

ისეთი-კი მინდა... ისეთი მინდა ის ბურჯები არა თავდებოდენ... შეუწყვეტლივ ადიოდენ მაღლა-აიმ ნისლეზმდის—გაიშვირა თითი სპეტაკი ნისლეზისკენ, რომელნიც ჩამოყალიბებულიყვენ ლაყვარდში, როგორც მარმარილოსგან ნაკვეთი მერნები...

— მერე, რას გააკეთებდი იქა?..

— მოვახტებოდი ზედ და მყის საყორნის მთისკენ გავიქროლებდიო — მიუგო კაკომ და, რაკი შორს იყო ნისლის რაში, მის ნაცვლათ ჯოხს ვადაბოტა ფეხი, ლავამათ ამოსდო ქამარი, გადაკრა წყებლა და ჰერი!.. ქაზინ-ხვიხვინით გაინავარდა სწორებისკენ.

დედამ ნეტარებით გააყოლა მოსიყვარულე თვლებით... წინათ გრძნობამ იღუმალათ ჩაჩურჩულა, რო მისი ბიჭუნია შეიქნებოდა ერთ დროს, დიადი მოსაგრე, ფხიზელი გუშავი აბუჩათ ავდებულ, დამათინებულ თვისი ტანჯული ქვეყნისა.

III.

კაკო გაიზარდა... დაქაბუკდა... ტუჩებზე პირველი ხავსი აუბიზინდა... თვლებში ნაპერწკლები აუკვესდენ... სევდის ჩრდილებით შემოუსევდა ქუთუთოები.

ისეთაც პტყელი შუბლი უფრო გაუგანიერდა... გაეშალა... სწორეთ კალო გაიღეწება ზედაო, ამბობდა ხოლმე თავ-მოშწონეთ დედა.

ბავშობისას ხომ უყვარდა ბუნება და ახლა უიმისოთ ერთ დღესაც ვერ გაძლებდა.

ნიადაგ მისს წიაღში ატარებდა დროს... სადაც უნდა შემოლამებოდა, არ ინაღვლებდა. წამოიხურავდა მანტიას და მიწვებოდა ძილათ.

მერე, რა ტკბილათ ეძინებოდა... რა წარმტაც სიზმრებს ხედავდა!.. მუდამ ეზმანებოდა უცხო-ტურფა რამ ქალი, რომელიც ზღვის ქველსავით ნახათ ჩასჩურჩულებდა:

ყრმაო... ყრმაო... ძვირფასო ყრმაო... მე მიყვარხარ შენ... მიყვარხარ თავ-დავიწყებით... გაგიყვებითო... არ დამანებო თავი... არ მიმატოვო, სულ სხივოსანო... იარე მარად ტყეში. იარე მარად მთებში... ჯვალ განთიადისას „ცხრა წყაროს“ მწვერვალზე ვიქნები. იქ ამოდი ჩემს სანახავათ...

კაკოც უმაღ იღვიძებდა და მთას მიაშურებდა ხოლმე პავმანის ასასრულებლათ.

მართალია, „ცხრა წყაროზე“ იმ ზღაპრულ ქალწულს ვერა ხედებოდა, მიუხედავთ ძახილისა და ძიებისა. მარა გული უზომო სიამით უწყებდა ძვრას... სული ნეტარებით უკასკებდა...

ვერა ხედავდა იმ ქალს ისევე სურათ-ნაკვთად, როგორც სიზმარში. მარა სწამდა, რომ ის იქ იყო: ლაყვარდ ეთერში სხივებათ გაშლილი... ტვერის შრიალში ჩანასკული... მოქლურტულე ნაკადში ათვალ-მარგალიტებული.

ის ქალი თვით ბუნება იყო... განთიადის ოცნება... მთების ზღაპარი...

თხოვდა იგი სიყვარულს და აკაკიმაც შეიყვარა...

მთების კელატრებით აციაგებული მწვერვლები თვისს სალოცავ ტაძრათ, წმიდა საკურთხევლათ დასახა...

ან როგორ არ შეეყვარებინა, როდესაც ყოვლად ძლიერსა და შვენიერს მხესაც მთის თხემები უყვარს ყველაზე მეტათ...

განთიადისას პირველათ მათ მიესალმება და მწუხრისასაც უკანასკნელათ მათ გამოემშვიდობება.

უნდა განახათ, როგორ ეძნელება გამოთხოვება... მან იცის, რომ უიმისოთ პირ-ტუქსი ღამე განუჭრეტელი წყვილიადითა და ჟინჯლიანი ნისლეებით ჩამოაწვება მაჯლაჯუნასავით.

მან იცის, რომ გულ-ქვა ღამის სუსხიანი ფრთები მორთვიან, დააზრობენ სათუთ იებს, რომელნიც შეეყვარებულნი არიან მზის სხივებთან, რომ ამ სიმაღლე მთებზე ამოვიდნენ და აქ გაიშალნენ, რა არის, რაც შეიძლება, მალე შევეგებოთ ჩვენს აშკისაო.

იცის ღამის ოინები მზემ და ჯავრისგან ფიორდება... ღრიანკალის ემსგავსება...

ახ! რა რიგ უმძიმს გამოსალმება...

იგი თითის ფჩხილებზე ღგება და ისე უმზერს მწვერვალებს... პაწაწა ყვავილებს...

აგერ... აგერ... ორიოდ მქრქალი, კნინი სხივიც და... ჩაესვენა... ჩაინთქა უფსკრულში.

მწუხრის ჩრდილები აცოცდენ მთებზე... უზარმაზარ მღვებათ გადმოწვენ ბარათ...

სიყურსე და მოწყენილობა მიმოიფინა კილითი კიდე...

სიცივის ღმერთმა იწყო მთქნარება ლოქაფი პირით...

აურჯოლდენ... სუსტი კვნესა აღმოხდათ ყვავილებს...

ზენაარო!.. შენ გადაარჩინე იგინი ღამის სუსხს... აღირსე გათენება... აღირსე მიჯნური სხივმოიფეფე...

IV.

ასე საოცრათ შეიყვარა აკაკიმ ბუნება... ასე იხილბოდა მისი უმანკო სიტურფით... ქალწულებრივი სიკეკლუტით... მარა სხვა რა არის სრული ამ ქვეყნათ, რომ აკაკის შგება ყოფილიყო უჩრდილო... მას ეს ნეტარება

ეშხამებოდა, სასოება ეკვეთებოდა, როდესაც თვალს მოკრავდა მიყრუებულს ადგილებში მივიწყებულ დანგრეულ ციხე-კოშკებს...

ამ დროს ბუნება ველარ ხიბლავდა მას... მთის ზღაპარი-კეკლუტის სახით ზმანებული, ველარ იწვევდა მწვერვალებისკენ...

აკაკი რჩებოდა ძირს და ჩაწვდიადებულთი სასოწარკვეთილებით უყურებდა, თუ რა უღვთოდ გავერანებულიყო „ვეფხის ტყაოსნის“ საშობლო, როგორ გაპარტახებულებიყვენ ქალაქები, რა უწყალოთ გართხმულიყვენ ციხე-კოშკები, ტაძარ-მონასტრები.

მართალია, ყველა არ გამქრალიყო და გაუქმებულიყო...

აკაკი იქ დარჩენილიყვენ ძველი ტაძრები, სადაც ახლაც სრულდება ღვთის მსახურება. მარა, ვაი იმ ყოფას.

ისინი უფრო მოთქვამენ წმიდათა წმიდის შებლაღვას და მკვრენებლობაზე, ვიდრე გალობენ „ოსანნას“ სასოებიანს.

აი, „შუა-მთის“ მონასტერი... მოწმე კახეთის აყვავებისაც და დაცემისაც... ლიტანიობისაც და დაქვრივებისაც.

საუკუნეთა ქარტახილმა ვერა ავნო რა და ღღეს, რა დამართინა? აბა, შეხედეთ მის კედლებს? სადღაა ის მოხარატებული ჩუქურთმები, რომელნიც გადაურჩენ ირანის ლომის შაჰაბაზის რისხვას? სადაა ის საუნჯენი, ფასდაუდებელნი მხატვრობანი, რომელთაც შეამკეს, გააკაშკაშეს ბიბლიური შარავანდელით გრემისა და ათონის აკადემიებში განსწავლილმა ხელოვანებმა?!

რა იქნა ელვარე იავუნდით მოქვედილი ქეთევან წამებულის ხატი, რომელიც ისეთის ღმობიერებით გამოიყურებოდა, რომ თავზე ხელ-აღებულ ავაზაკსაც-კი მოხიბლავდა... მოათვინიერებდა... კაცთა სიყვარულით გაუბრწყინებდა გაბოროტებულ გულს?..

შეუგინებიათ... გაუქირდავთ იგი...

ვეება ხატიდან მარტო-მარტო სახელა დარჩენილა ქეთევანისა.

ისიც, რა დაღრევილი, რა შეწუხებული გამოიყურება...

ყიზილბაშთა მარწუხ-შანთები ხომ არ აგონდება და იმიტომ არაა ესდენ შეურევბული?..

სრულებითაც არა!..

აკი მტკიცეთ... აუთრთოლებლივ შეხვდა იგი სიკვდილს... აკი სიამოვნებით დაელო მტლეთ საქართველოს კეთილდღეობას?..

მაშ, რას ჩათხრობილა?..

რა უღრღნის გულსა?..

ის, ის აურევებს და ავავლახებს, რო მეორეთ აწამეს... მეორეთ დასტანჯეს უარესი მოწამებრობით ახლახან -- მეცხრამეტე საუკუნეში!

სავონაროლას დემონიურ აღტყინებას ისე არ მოუსრავს იტალიელ ხელოვანთა სიცოცხლითა და სიხარულით ამჭევრებული შემონაქმედნი, როგორც კირითა და ტალახით შეითხნეს... შემუსრეს ქეთევანის სავანის მდიდარი მხატვრობანი...

„ლოცვა კურთხევით“ აწამეს ქეთევანი და მასთან ერთად ის ზეგარდმო ნიჭით ცხებულნი, ვინც საღებავების ფსალმუნებით დაამკვიდრა ქართველთა სახელი უკვდავთა პანთეონში.

აი, რა დარჩენილიყო ბრწყინვალე წარსულიდან... აი, ნატამალი მაღალ კულტურის.

აი, მატიანე... შავი ზღაპარი აოხრებისა და ამტუტების...

აკაკის ის უფრო უსერავდა გულს და უკიდებდა ცეცხლს, რომ ეს მატიანე-აკი, ეს უკანასკნელი სიგელ-გუჯრები ჩვენი ეროვნებისა ისობოდა... დრო-ჟამი უწყალოთ შლიდა მის ასოებს. აცამტყერებდა... აქრობდა სამუდამ-ჟამოთ... აღუდგენლათ.

ვინ... ვინ შეაჩერებს, ამ სკობას... ვინ გააცოცხლებს, ვინ ჩაუდგამს სულს ამ ნახევრათ წაშლილს მატიანეს... ვინ გააღვიძებს... ვინ?... დამუწულია ხალხის პირი... დავიწყებია

მას აღმასივით მკვეთრი სიტყვა... ელვასავით მპასრავი შემოძახილი.

ახ, რო გაიღვიძებდეს ნათელი, მხნე სიმღერა... რო დაარღვევდეს ამ სამარისებურს დუმელს შურის ძიების სიმფონია... როგორ განახლდებოდა... გაედმდებოდა მკვდარ უღამნოთ ქცეული მამული...

მარა სდუმს... სდუმს ხალხის გული... სდუმს, ვით ეს ციხე პალატნი, გაუქმებულნი...

V.

სასოწარკვეთით ეკითხებოდა უკვე დავაშკაცებული აკაკი დედას.

— როგორ არა, შვილო, გაიღვიძებს... უეჭველათ, გაიღვიძებს... მარა არა ტირილითა და თავში ცემით.

— მაშ, რა გააღვიძებს რა, დედილო?..

— ამირანის ცეცხლი... — მიუგო დედამ და თან ისე გრძნებით ჩახედა თვალეში, თითქოს სდომებოდეს შიგ. ქარიშხლის აზრიანება...

— დიახ, შვილო, ვინც ამირანის ცეცხლით აინადვრდლებს გულს, ის შესძლებს მიმტყნარებულთა ხელ-ახლა გალომგმირებას... დავიწყებული სიმღერის გაღვიძებას.

— ამირანი... ამირანი... ის ხო მიუვლია... ის ხო ფეხ-მოუკიდებელი ციკაბო ჭლდის კინჭუხუნედა დაკიდებული... ბავშობისას მჯეროდა, ფრთები გამომესხმებოდა და მივიჭრებოდი მის გასათავისუფლებლათ. მარა სადაა არწივის ფრთები და ქანგები... სად?..

— აგრე, როგორ გაგტყვია გული, შვილო? ადამიანს არწივებს მტკიცე რწმენა... უტები იმედი გამარჯვებისა... იწამე შენც... ჩაინერგე ღრმით სასოება და მოხდება სასწაული... გამოგესხმება ფრთები... შესძლებ ამირანისკენ გაქროლას. არ უნდა შეგაფიქრიანოს დაღუბვის შესაძლებლობამ, სვე-შებღურე იკარის ბედმა...

რა არის შიში ამისთანა დიად, წმიდა საქმესთან!.. ათასი სიცოცხლეც რო ქონდეს ადამიანს, ყველა სიამტკილობით უნდა შეს-

წიროს, თუ-კი ოდნავ მიინც უჩაჩუნებს გულში სიყვარული თვისი ტანჯული ქვეყნისა...

უნდა გახსოვდეს, რომ მხოლოდ ამირანის ნაპერწკალით შეიძლება ამ აშმორებულ-დახვესებული ცხოვრების გადაბუგვა და გამოკვდა ახალი მომავლის... გაჩახახება ნანატრი გარიერაჟის.

VI.

ძლიერია გატაცების გრივალი და აკაკიძე დაემონა მის ფრთებს...

გაბედა ამირანთან წასვლა...

დედა არ დანადვლიანებულა... პირ-იქით, სიხარულით აივსო... ცას მოეწია, რომ თვისი პირ-მშობი იხილა გამირთა-გამირული გრძნობით აზავებულთ.

მართალია, იგი არა ყოფილა დარწმუნებული, თუ მისი შვილი ისეთი მძლავრი აღმოჩნდებოდა, რომ ძლევდა დაბრკოლებებს და ჩამოიტანდა ამირანის ცეცხლს... მარა მისი მაგალითი... მისი თავ-განწირვა ხო ცხადი იქნება... მისი სახელი ხო გადაეცემა მხიბლავ ლეგენდათ ხალხს და ააგულიანებს... გაიტაცებს სხვა უფრო მძლავრებს დიადი მიზნისკენ... და, ვინ იცის... იქნება, რომელიმე მათგანმა მიინც მიადწიოს მიზანს...

— ქუხს, დედილო, ცა, დედამიწა ირყევა... ელვის გველები იკლანკებიან სივრცეში... — შემკრთალი ხმით წარმოთქვა აკაკიმ, როდესაც ემშვიდობებოდა დედას...

— ფიქრი ნუ გაქვს, შვილო... ქუხილი გულს გაგიფოლადებს და ელვა უფსკრულს გაგინათებს... მზრუნველი ანგელოზივით აგაცდენს ხიფათს.

აკაკის მოეწონა დედის სიტყვები... შერცხვა კიდევ, რომ გული გაუთანადრა ქარიშხლის სიმძაფრემ... ერთხელ კიდევ გადახვია დედას და გულ-გამებებული გაუდგა გაუკვალავ გზას.

VII.

მიდიოდა აკაკი ლაღა-ლუღა ხევ-ხუეებში... მოლიბულ ოღრო-ჩოღროებში... შავი მთების გრეხილებზე.

წვეტიან ქვა-ღორღისგან ეჩქლიფებოდა ფეხები... უწყულდებოდა და უმსინდებოდა.

ნაპრალი და ტაფობი... ფრიალო და უფსკრული წამითი წამათ უღობავდენ გზებს.

სტიქიონი ხო ყველა სიმძაფრეს იჩენდა, რომ მოეტეხა ანდამანტივით განუკვეთელი მისი ნების ყოფა.

პაპანაქების ქრტიალი და კორიანტელი... სეტყვა-ლოლფონი და რუხრუხ-ტკრციალი, ზევის ჩამოწოლა და მთების მოგლეჯა - ჯოჯოხეთის ძალებსაც-კი შეაძრწუნებდა... ფილენჯის ქარს მოგვრდა... ელეთ-მელეთს მიახეთქებდა... აკაკი-კი წარბსაც არ იხრიდა... გამაკვიფრებელის სარისტიანობით უმკლავდებოდა მათ და ვეფხივით მოქნილი მიილტვოდა იქით, სადაც ღვიოდა ღველფი საქართველოს გადამხალისებელ-აღმარობისებელი.

VIII.

... როგორ მიადწია ამირანთან, როგორა სძლია ლაყუნა სევ-ორბებს და როგორ გამობრუნდა გამარჯვებული — აკაკის არ ახსოვს... მთელი ეს ბრძოლა გადახდა მტანჯავი სიზმარივით...

ვერაფერს იგონებს იმ საშინელი შეტაკებიდან... ერთია მხოლოდ აშკარა და ნათელი... მისი გულში გუზგუზებს ცეცხლი... შემოქმედების უშრეტელი აღ-ნაკადული.

ეს ცეცხლი ამირანმა ჩაუკვსა გულში... ამირანმა გადმოსცა ის ნაღვერდალი, რომელიც ღმერთებს წარტაცა და დღემდე უქრობლათ ინახავდა --- მიუხედავად იმისა, რომ უსრულლებელ დროთა დენაში ღრიანცლის ქაოსი ჩამოსწოლოდათ ჩასაქრობათ... გასაცამტვერებლათ.

ეს ცეცხლი იყო მიზეზი, რომ ისედაც ახლავანი, დიადი აკაკი ბუმბერაზთ გადაიქცა... მისმა გულმა ვეღარ დაიტია აპრიალეებული ცეცხლი და ვეზუვისაფით იფეთქა... შადრევანათ ამოხეთქა ბრინჯაოთ წრთობილმა შემოქმედობის პანგებმა.

მიილტვოდა მთებიდან მაღალ-გულოვანი აკაკი და ელვის მკვესავ მტყვევლებით ძილათ მივარდნილ ბარს ვადმოსძახოდა:

„კავკასიის ქედზე არის
ამირანი მიჯაჭვული,
ყვავ-ყორანი დახვევია,
დაფლეთია მტკიცე გული.“

ქვეყნათ ცეცხლის მოტანისთვის
გულს კეცხლი არა ნელდება,
და, რაღაცა მანქანებით,
გული ისევ უმთელდება...“

აქვს შას ჭირში მოთმინება,
არც კენესის და არც ოხვრიდა,
უსამართლო ძლიერებას
მონურათ თავს არ უხრიდა...“

კავკასიის მაღალ-ქედზე,
მიჯაჭვული ამირანი,
არის მთელი საქართველო
და მტრები-კი ყვავ-ყორანი...
მოგა დრო და თავს აიშვებს,
იმ ჯაქვს გასწყვეტს გმირთა-გმირი!..
სიხარულათ შეეცვლება
ამდენი ხნის გასაჭირი!..

IX.

ასე გაალომ-გაამგოსნა ამირანის ცეცხლმა
აკაკი.

იგი წინასწარმეტყველისებურ სიმტკიცით
და მოგვეური სიძლიერით უგალობდა მამულს...
თვალის ჩინსავით უვლიდა-ფეარებებოდა...
ულეველი აღერსით ელოლიავებოდა... თვისს
სიცოცხლეს „სამშობლოს წინდათ იგულებდა“
და უკვესებდა ბნელში სასოება-იმედს.

მისი დაფი და ნაღარა მართა გმირებს
უყიოდა... მოიწოდებდა „ფეხ-შიშველის, ლე-
ჩაქ-ახლილის“ სანუგეშოთ... საქართველო სა-
ტრფოთ ქონდა დასახული და მოწიწებით ჩა-
ჩურჩულებდა:

„ჩემსავით რო შეგიყვაროს, ვინ არი?

ვინ გაღმერთოს ციურათ მომცინარი?..“

მართალია, ნაცვლათ იმისა, რო მისს სა-
ტრფოს ვადაეშალა თვისი გული და სიყვარუ-
ლით ჩაეხუტებინა ერთგული მგალობელი პა-
სუხათ აგებდა:

„უსამართლობას, მტრობას და დევნას!
ცილის წამებას გულის საკლავსა!“

მარა ეს სრულებით არ აკრთობდა მგო-
სანს, არ აბოროტებდა...“

რა ვუყოთ, თუ ხალხი წელში მოწყვეტი-
ლი... გაჯაბნებულო... ეს მხოლოთ დროები-
თია... მათი ბუნება თლად არაა გაუკულმარ-
თებულო... დაბერავს განახლების სიო და მა-
თაც გადაეყრებათ გულიდან მტვერი... აუ-
ზვირთლებათ ვალე—ლეჩებული გრძნობები...
კვლავ ეუფლება სიმაჰაცე კაცათ-კაცობის მა-
შენი... აკაკის „გულს მუდამ სწამდა და ქუას
სჯეროდა, რო ჯერ კიდევ არ გამქრალიყო
მომავალი ბედის წერა...“

აკაკი იმასაც კარგათ ხედავდა, რო მრ-
ვალი სულით მახინჯი თანამემამულე ყოველ
დღე ძირს უთხრიდა და მეწყერს ატანდა სა-
ქართველოს კეთილ-დღეობას... გულს უჩრჩილავ-
და ეს... მარა სასოებას მაინც არ უკარგავდა...“

მის დიდათ მხედველს თვალებს ამავე
დროს არ ეპარებოდა შეუშნეველათ ის ახალი
ძალა, რომელიც ის იყო ფეხს იღვამდა...
მუყაითობა და საქმის თაოსნობა ავიწყებდა
ვარამს და იმედით უყვავილებდა გულს...“

„აი, ვხედავ საბრძოლველათ

გამოსულა მუშათ ერი,

ერთმანეთთან შეთანხმებით

ძლიერი და ბედნიერი.

გამარჯვება ნამდვილ მუშებს!

ვაშა, ვაშა მომავალსა!..

ის ასწორებს დღეინდლების

გამრუდებულს გზა და კვალსა“.

ასე აგულიანებდა და აქეზებდა მგოსანი
იმ ახალ ძალას, რომელმაც ლეგენდარული
გმირთა-გმირობა უნდა გამოიჩინოს, კაცობ-
რიობა უნდა განაცვიფროს უმაგალითო შემ-
ლებლობით... მომავალი ცხოვრების უბადლო
ხუროთ მოძღვრობით...“

X.

გადიოდა დრო... ტაატით მიზოზინებდა
საქართველოს გამობრუნების საქმე... არ გა-
ისმოდა მტრის თვალის დაშეყენებელი ჩქეფა-
დულილი საზოგადოებრივობისა... მგოსანიც
ხნიერდებოდა... სიბერის დილა უთენდებოდა...“

და, ვით შეშვენის ახალ საქმის მოციქულს, გულს არ იტყვდა... იარაღს არ ყრიდა... სწამდა, რომ თუ ჩვენი ცხოვრება ზემოდან ასე მდორე, უფერული იყო — გულის სიღრმეში სწარმოებდა მოძრაობა... დუღილი... მართალია ნელი... შეუმჩნეველი, მარა, უეჭველი... აზვირთების... ამთავორების იმედის მომცემი.

აკაკი კვლავინდებურათ ხალისით აუღერებდა თვის ჩანგს, რომლის ჰანგები იყვენ „ზოგათათვის ფინთიხი გულისა, ზოგისთვის-კი წყლის მალამო“...

იგი ტარიელსავით თავ გამოდებით კვლავ ეძიებდა ქაჯების მიერ გატაცებულს ნესტანდარეჯანს და სჯეროდა... მტკიცეთ სჯეროდა, ისე არ მოკვდებოდა, რომ არ ეპოვნა თვისი „სულიკო“.

... და, აი, ერთხელ... როდესაც მგოსანი თვის საყვარელს ადგილას-ნაქალაქარის ნანგრევებზე ჩამომჯდარიყო და გაყურებდა „ქირში ჩავარდნილს ცა ფირუზ, ხმელეთ-ზურმუხტ სამშობლო მხარეს“ — შემოესმა ნელი... იის ფოთლების შრიალსავით სუსტი წკრიალი.

რა იყო, რა წკრიალებდა ასე იღუმალათ? ცრემლები, თუ ჰანგები?..

მალე იგინი ოდნავ ამაღლდენ და დაემსგავსენ სუმბულთა კენესას, რომელთაც ავ-ზნიანმა ლამემ არ დააცალა განთიადის ხილვა და მოსთვლა უწყალოთ.

ეს კენესა ნელნელა გაიზარდა და ახლა პატიმრის ღრმა კაეზნიან ღიღინს დაემსგავსა... რომელიც შეყურებდეს ტრედის ფერ ცაში ლალათ მონაფარდე ტოროლას და შენატროდეს შებორკილი.

აი, თანდათან დასცხრა ეს ღიღინ-ქვითინი ცრემლების ჰანგებისა... როგორც გარიყრაყი კუნაპეტ ლამეს, ისე შეეპარა საგოდებელს იმედიანი, ღიმ-ღამიანი ნოტა... მიიღო სასოებისანი იერი და, აი, უკვე ლალ, ჩანჩქერსავით კისკასა მოძახილათ გადაიქცა...

ომახიანათ მოისმა აკრიმანქულებული ცქრიალა ლექსი.

„ვარდი ეკლათ შეიცვალა,
საპატიოა გახდა ანწლი

და ჰურის წილ ითვისება
გორვალა და მავნე ღვარძლი!..

მარა, ძმებო, ნუ შევკრთებით!
სასხლავს მივყოთ ყველამ ხელი;
ეკალს ძირი ამოვუგდოთ...
უსამართლო ძლიერებას
საუკუნო არ აქვს ძალი!..
უძლეველი საბოლოოთ
არის მხოლოთ სამართალი“.

ძნელი იყო გარჩევა, ათიოდე კაცი მღეროდა ამ ლექსს, თუ ასი, ათასი... აურაცხელი...

უგდებდა ყურს აკაკი და, ეგონა, ზღვათ ოდენ ხალხის გულში ამირანი ჩამჯდარიყო და ის ამღერებდა ასე თამამად... ასე გულიანათ...

„კავკასიის მალალ ქედზე,
მიჯაჭვული ამირანი
არის მთელი საქართველო
და მტრები-კი ყვავ-ყორანი“.

დაიგუგუნა ახალმა სიმღერამ...
ნუ თუ, ნუ თუ ეს ხმები მართლა
ხალხისაა?...
ნუ თუ ხალხი მღერის ამირანის ცეცხლოვან გრძნობით?..

ნუ თუ თავი აუშვია, დაუწყვეტია ჯაჭვები დამონებულს?..

სიზმარში ხომ არაა?...
ქრელი ჩვენება ხომ არ ატყუებს?...
არა... არა... ეს ცხადია... ხალასი ქემ-მარიტებაა...

ამირანს მართლა აუშვია თავი...
მართლა გადასახლებულა ხალხის გულში და აუზავებია...

აკაკი ათრთოლდა...
აზატდა...

მოხუცობისგან დაკრიატებულ-გახუნებული თვადები აღევზნო... ქაბუკურ ბზინვით გაუბრწყინდა...

მან იცნო ის მედიდური სიმღერა...
მის ლექსებს... ამირანისგან აღვზნებულს მის ლექსებს მღეროდა უთვალავი ხალხი და

მას იმეორებდენ მთები... ნაკადი წყარონი...
ფრთოსნები... მთელი ქვეყანა...

ყველგან ამირან — აკაკის, დიადი აკაკის
სიმღერა გაისმოდა...

მათი სული... მათი ოცნება... მათი ღი-
მილი გადაქცეულიყო ფირუზ ტალღებათ, წი-
თელ იაგუნდის სხივებათ და ახმატკბილებული
ფენებოდა სამშობლო მხარეს...

და ეს ღიმილი... ეს სხივოსნობა ამირან
აკაკისა ისე შევნოდა მათს მამულს, როგორც
გარიჟრაჟისას ტუჩ-გაპობილს ვარდს ცის ლა-
ლის ნამცვრევი „კრილა ნამი“.

ამ ზღვა მუსიკაში... სიკოცხლით მჩქეფარ
რითში სხვისი ბგერანიც ვერინენ...

ეს წინაპართა ხმები იყო...

იგინი ჩაწმახოდენ მათ და ერთად... შე-
ხმატკბილებით აკრიმანტულებდენ სიმღერას
აღორძინებისას... სამარადისო გაზაფხულის შე-
რიჟრაჟებისას...

ღიახ, არ მომკვდარიყვენ ცისარტყელო-
ვანი წარსულის ჰანგები...

დაღუმებულყვენ მხოლოთ და ახლა იღ-
ვიძებდენ საუკუნეთა ბრძმედში გამოწრთობილ-
გაალმასებულნი...

მედიდური სიმღერა და აკაკის სასოებაც
ფრთებს შლიდა... „მომავალის იმედი ცისარ-
ტყელოთ ესახებოდა...“

მას აღარ აშინებდა მოხუცებულობა...

აღარ ენანებოდა თავი...

მზათ იყო სვიმეონ მიმრქმელსავით ეთქვა:
აწ განუტევე მონასა შენსა, მეუფეო...

დ. თურდოსპირელი.

დაუწერელი მოთხრობა.

(ჩუქურთმადან)

— თქვენ ნაწარმოებს აწი ვეღარ დავ-
ბეჭდ...
— რათა, ბატონო რედაქტორო? — გაე-
ლიმა მწერალს.

— არც მე მომწონდა, მარა უკანასკნელ
ხანში ხელის მომწერთაგან ათასი საყვედური
მომდის, თქვენი ბელეტრისტიკა თლად სიყვა-
რულზეა აგებული, თითქოს სხვა გრძობა,
მიმართულება, აზრი არ ამოქმედებდეს ალა-
მიანსო. მოთხრობა — ლექსი — დრამა, უსა-
თუოდ, ტრფიალსა და მიჯნურობით გამო-
წვეულ ცრემლებს აგვიწერსო...

— კაცია და გუნება, ბატონო რედაქ-
ტორო; მე ერთს ვაკვირდები, მეორე — სხვას
რასმე მიაქცევს ყურათღებას.

-- შე დალოცვილო, განა თქვენთვის — კი
საინტერესო არ არის ადამიანის ყოველ-
მხრივ შესწავლა და დასურათ-ხატება?...

— ღიახაც.

— აბა, აგვიწერეთ მკურნალი, ვეკილი,
მოხელე, გლეხი, თავადი, როცა ისინი, თა-
ვის მდგომარეობისა დაგვართ, ეწვეიან მძი-
მე ტვირთს ცხოვრებისას.

— მარა ეს ჩემთვის ძნელია, ბატონო
რედაქტორო...

— როგორც გენებოთ...

რედაქტორი და თანამშრომელი დიდ-
ხანს სდუმდენ. რედაქტორი რალაც ხელთ-
ნაწერს ასწორებდა; თანამშრომელი — კი გა-
ზეთს კითხულობდა და პაპიროზს წევდა.

რედაქტორმა ხელიდან კალამი გაავდო, სავარ
ძელს მიაწვა და სასოწარკვეთილებით წამოიძახა:

— ოხ, ღმერთო ჩემო, როდის იქნება
ქართველმა მწერალმა ქართული შესწავ-
ლოს და ის წეროს, რაც ეხერხება!...

მწერალი ისევ არხეინათ კითხულობდა
და პაპიროზს წევდა. წინა შენიშვნით ცოტა
გულნატკენი ახლა ჯინს იყრიდა და უხა-
როდა რედაქტორის გაჭირვება.

— წარმოიდგინე, ზეგის ნუმრის დამა-
ტებისთვის, აი, ამ მოთხრობის იმედი მქონ-
და... ავტორი ნიჭიერი ყმაწვილია... ბევრი
უნახავს, კიდევ მეტი წაუკითხავს... მოკ-
ლეთ დაუწერია... ვიფიქრე, დავბეჭდავ, მეტი
რალა მინდა — მეთქი. მარა, როცა ვაჭრულათ
მოვკიდე ხელი — შენს მტერს... ნახევარი
რუსულათ არის დაწერილი... ქართული სიტ-
ყები არა სცოდნია, უსათუოდ... ნახევო

რი მეგრულ - იმერულათ... თან წერს, რაც არ უკრძენია, და გამოდის უსიცოცხლო ჩონჩხი და არა ხორცსმული სული... სანამ გავიგებდე, რისი თქმა სურს, გული წამივა და, მერე, ასწორე, თარგმნე, და შემოსე სხეული შესაფერისათ...

მწერალი ისევ უღარდელათ განაგრძობდა პაპიროზის წევას და გაზეთის კითხვას.

— დამიხსენი ერთი -- სიჩუმის შემდეგ მიმართა რედაქტორმა მწერალს.

მწერალმა -- თითქოს არც -- კი აინტერესებდა რედაქტორის სიტყვები -- ნელა თავი ასწია და გაფანტული დაეკითხა:

... რა ბძანეთ?

— ერთი პატარა მოთხრობა მომეცი კვირის დამატებისთვის...

— აკი ბძანეთ, თქვენს ნაწერებს აღარ დაგბეჭდავო...

— ეჰ, ნუ ამიხიბლები... გთხოვ, ისეთი რამ მომცე, რაშიც არ იყოს სიტყვები: „ტრფიალი, ყვავილი, ბულბული და პირბადრი მთვარე“.

მწერალს გაელიმა.

— კარგი?

— ვცდი...

— მარა ხვალ აღრე უნდა მომიტანოთ, რომ აწყობა მოასწორონ...

— თუ მოვახერხებ...

— შერიგებული რედაქტორი და მწერალი ოთახიდან გამოსვლას აპირობდენ, რომ საჩქაროთ შემოიქრა სტამბის შეგირდი და რედაქტორს მოახსენა:

— იოსებმა თავი ჩამოიხჩო...

— რაო? რას ამბობ?

— კი, ბატონო!.. მე თვით ვნახე,

— როგორ მოხდა?

— მუშაობა შევწყვიტეთ. წავედი. ისინი გორდაძის სამიკიტნოში სჭამენ სადილს...

— ვინ ისინი? — შეაწყეტინა ამბავი მწერალმა.

— იოსები და ლიზა...

— ჰო, ასოთ-ამწყობი ქალი?

— დიახ...

— მერე?

— ... ჩვენ კუბაბრიას ლუქნისკენ გვაუხვეთ. ლიზაც ჩვენ გამოგვყვა. იოსებმა დაუძახა: „სადილათ არ მოვალო?“ ლიზამ უპასუხა: „მე ამათთან წავალო“... ჩუმათ, წყნარათ დავშორდით ერთმანეთს... ცოტა-კი გაგვიკვირდა -- ისინი ყოველოვის ერთად სადილობდენ...

— მერე? მერე?

--- სადილი რომ გავათავეთ, დაგბრუნდით... იოსები არსად იყო. მუშაობაც დავიწყეთ. ქალაღი დაგვჭირდა. საწყობში წავედი. დავინახე ლურსმანზე თოკით ჩამოკიდებული იოსები. კინალამ ვადვირიე... ვიყვირე... მოვარდენ... ჩამოიღეს... ცივი იყო...

— მიზეზი არავინ იცის?

--- ნამდვილი ამბავი... ამბობენ... რა ვიცი -- ბიქმა თავი ჩაღუნა -- ერთად -- კი დადიოდენ მუღამ.

კვირის დამატება ვერ გამოვიდა. -- თვით გაზეთიც ძლივს დაბეჭდეს. მწერალი ნასიამოვნები იყო გაზეთის საქმის აფუშვით, რადგან ვერ გაახერხა ისეთი მოთხრობის დაწერა, სადაც არ ყოფილაყო „არც ტრფიალი, არც ყვავილი, არც ბულბული და არც პირბადრი მთვარე“.

გაზეთის ქრონიკაში ეწერა, იოსებ გორგაძის თავის ჩამოხჩობის მიზეზი რომანტიული უნდა იყოსო... და პირველ გვერდს გაზეთისას აშვენებდა შემდეგი სამგლოვიარო განცხადება:

ასოთ ამწყობნი გულითადის მწუხარებით აუწყებენ ნათესავთა და ნაცნობთ ამხანავის
იოსებ გორგაძის
უღროოთ და ტრალიკულათ გადაცვალე-ბას.

საადღვომო კაბა.*)

(დასასარული).

VI

მართა არა სახუმრო სიამოვნებას, თვალი სეირს და უფრო—კი სარგებლობას მოელოდა დღეობისგან. მუდამ ქრელი ოცნებებით ვაბრუებულს, არც აქ შორდებოდა შემაქცევარი სტუმრები: ვადადიოდა ერთიდან მეორეზე, მესამეზე და უფრო ის ატკობდა, როცა ცირუს თვალს მოკრავდა ვინმე შეძლებული კაი ბიჭი, მოიხიბლებოდა, შეიყვარებდა, შეირთავდა და მტერს თვალი დაუდგებოდა!... მერე?— მერე, მართაც ხო ბედნიერი იქნებოდა: მიატოვებდა დამსებულ ოჯახს, გააგდებდა გულჯანგიან ქმარს, თან გაყვებოდა ცირუს და შეძლებულ ოჯახში სიამით გაატარებდა დარჩენილ ცხოვრებას!... სიძეს, რომელსაც აჩუქებდა მომხიბლავ მზეთუნახავს, მოთხოვდა თუ ამას, თუ იმას, უფრო—კი ტანისამოსს, პირის გემოს, გავლა—გამოვლას, რასაც მოხთენილათ შეიშვენებდა და, თუ რამეს დააკლებდა სიძე, შეიძლებოდა ყურიც ამოეწია და სხ... ასეთი ოცნებით თავბრუ დასხმული მართა, ანგარიშ მიუცემლათ, შეიქრა ურჩის დუქანში და რაღაც ჩითები მოითხოვა. მოუღლედი, ვაქრობის დროს, მისი ეზხით მუდამ გატაცებით მოუბარი ებრაელი, მართასაც ისე შეხვდა, როგორც ასს—ორას იმ დღეს შემოსულ მუშტარს. თითქო ჯერ ხმა არ გაუცია მუშტარისთვის და სურსმართაზე იყაროს ჯინი, თავისებური ვაქრობით გული შეიჯეროსო, მივარდა ახალ მუშტარს და დაუწყო ქაქანი, ჯერ ლაზათიანათ გამოატენინა, შემდეგ ჩააბარა რაღაც ნავაჭრი და გაისტუმრა. დუქნიდან გამობრუნებული მართა დიდხანს არ მოსულა გონს. იგი ხედავდა, რომ ეჭირა რაღაც ქალაღღვში გამოხვეული, მარა სრულიათ არ აგონდებოდა, რამდენი დაუთვალა ებრაელს. ცოტათ როგონს მოვიდა, დათვალა დანარჩენი ფული და ეცოტავა, შევარდა ისევ ურჩისთან და გა-

მოუცხადა, რომ არ აღმოაჩნდა იმდენი ფული, რამდენიც უნდა ქონოდა! ურჩია სიცილ—ხუმრობით შეეგება გაწიწმატებულ ქალს და სიტყვა ბანზე აუვლო. მარა შეატყო, როცა მართა არც ისე ადვილათ ცხრებოდა, იხმარა ვაშკაცობა და კარში გადაევა ქინკულიანი დედაკაცი... მწარენაგემებ მართას მოესურვა, როცა მისი ქირ—ვარამი ვინმესთვის გაეზიარებია და სწორეთ იმ წამს მოაგონდა, როცა ცირუ მასთან არ იყო, იწვილა და ჩიქმაც...

— რა დეგემართა, ქალო, რა მოგივიდა, ხომ არ გაგიჟდი!!— შეძახა უცებ მის წინ გაჩენილმა ნესტორამ და წამოაყენა.

— ნესტორა!... დევილუბე... ცირუ!... ძლოვს თქვა საცოდავმა და თვალეზი ცრემლით აევსო...

— ცირუ, ეგერ არის, ხომ არ შეგიკამდენ?

— სად? ა --, სად? — გიჟურათ შეეკითხა უბედური მაცდურს ნესტორას.

— ეგერ, დუქანში დაგტუე. შენ აგტონოდა და შეწუხებულმა მოთხოვა მემეძებნე, მარა საცხა მიწა გვიგლიჯე, შენს მოძებნას საშველი არ დაადგა. მერე, ისიც მოსაძებნი არ გამხთომოდა, ნაცნობის დუქანში დავტუე და რახანია შენ დეგემებ!... ვინ მოძებნის აქანა ქალს? არ ხედავ, რა ამბავია!... წამოდი, გიხვენებ.

ცოტათ გულმობრუნებული მართა გაყვა ნესტორას, რომელმაც ვააცურა ის ზღვასავით მღელვარე ხალხში და კარს მიაცენა ერთს შიკიტანს.

... აქ ერთი გოგო მევიყვანე წელან, რეიქნა, თუ იცი, — მზაკვრულათ შეეკითხა ნესტორა შიკიტანს.

— ვისი გოგოა?

— აქანე, რო მევიყვანე წელან!

— გიჟი ხარ, ვიცხა ხარ! — შეუტია შიკიტანმა ნესტორას, — ახლა იმისი დრო მაქვს მე, რო გოგოები ვათვალეირო?! თუ მევიყვანე, რატო მაშინვე არ წეიყვანე! თავს თუ ვერ მოუვლიდა, ისეთი გოგო, რას მოდიოდა აქ! წადით, მომშორდით, არ ხედავთ, რა

*) იხ. „განთიადი“, № 10.

ხალხი მახვევია! სად მცალია თქვენი სამუსაფიოთა?! წადით—წადით, აქ არავინ გოგო არ არის, ბაზარში იქნება, საცხა!

უსიამოვნო სტუმრები მოშორდენ სამიკიტნოს... ნესტორამ ანუგეშა გულშემოყრილი მართა; დაპირდა, რომ ის მოძებნიდა ცირუსს, გაშორდა და მხიარულათ შეუერთდა ბრბოს, თითქო ქიანქველასედაც ფეხი არ დაუდგამსო.

ხალხი ყოველგან ბუზივით ირეოდა. ქუჩებში ტევა არ იყო, სასუნთქი საკრავები მიდამოს აყრუებდა, დაფა—ზურნა ხალხს საჭიდაოზე იწვევდა... ერთის სიტყვით, ბევრ-რამეს შეეძლო მართა გაციფრებაში მოეყვანა, მარა მას ამისთვის არ ცხელოდა! მას იმედი გაუცრუვდა: ნაცვლათ უზომო მხარულება—სიამოვნებისა, რასაც მოელოდა დღეობაზე წასვლით, მწარე ნაღველი შექამა... აგერ, მზე გაღიწვერა და ის ჯერ კიდევ შიმშილისგან კუჭამომწვარი უხეიროთ დაეხეტებოდა, გულში მთელი საკირე აგზნებული... საღამომ მოატანა. შორებლები, ზოგი წასულიყო, ზოგიც წასასვლელათ ემზადებოდა და სწორეთ დროც იყო. მართასაც მოეგონებია წასვლა, მარა შეეძლო-კი მას ამაზე ეფიქრო?... დაბოლოს, როგორც სულიერათ და ზნეობრივათ, ისე ფიზიკურათ და შიმშილის გამოც ძალზე მოღლილ—მოქანცული მართა დადგა ბულვარის წინ და უიმედოთ გაიხედ—გამოიხედა, რომ უცებ თვალი მოკრა ცირუსს. ის შურდულივით გაექანა მისკენ და, რო მიუახლოვდა,—ელდა ეცა! სად იყო შევნიერი ცირუსს აჩილიცი? თურაშაულივით ბზინავი ლოყები ჩაყვითლებოდა, სახე განაცრისფერებოდა, თმა ზღარბივით აბუჭნოდა და ნამტირალევი თვალეზიდან მშრალათ გამოიყურებოდა...

— შვილო, ამას რას ხედავს ჩემი თვალები? სად იყავ, შვილო? რა დეგემართა, შვილო? — სასოწარკვეთილოებით ეკითხებოდა გულდამწვარი დედა, უფრო გულდამწვარ შვილს. მარა ცირუსს, თითქო არაფერი ესმისო, ხმას არ იღებდა; ის რაღაც ექვიანათ შეცქეროდა მართას და თვალს არ აშორებდა.

— ცირუს, შვილო! — იწიულა დედამ და

ჩაავლო ხელი შვილს. ცირუს შეკრთა და მოვიდა გონს.

— შენ ყოფილხარ? სად იყავი, შე უბედურო დედა? — ძლივს წარმოთქვა ცირუსმა და ნაკადულივით ჩამოუშვა ცრემლები...

მართა მიხვდა, რაც ამბავი იყო მის თავზე და წარმოუდგა აზრი: ეკივლა და შემწეობა ეთხოვა, მარა ისევ თავი შეიკავა; იფიქრა, რომ ამ დასამალავი საქმის გამქლავებთ ვერაფერს მოიგებდა და ქვეყანას გააგებიებდა იმას, რაც ორმა—სამმა იცოდა და გაკმიდა ხმა.

— წამოდი, შვილო, აქით წამოდი, — მწარეთ უთხრა დედამ შვილს და გააპირა წასვლა.

— არა, დედა, მე აქიდან ვერ წავალ; აქ უნდა მევიკლა თივი, — უფრო მწარეთ უთხრა შვილმა.

რას ქვია არ წამოხვალ! ახლავე წამოდი, თვარა შენზე უწინ მე მევიკლავ თავს. ბეჯითათ უთხრა მართამ და მკლავში ჩაავლო ხელი ცირუსს.

ცირუს დანებდა. საღამო იყო, როცა ისინი გაშორდენ ბულვარს, წყევლა—კრულვით დატოვეს დაბაც და გაუდგენ მათი სოფლის გზას... კარგა ხანს იარეს გულჩათუთქულებმა ვიშითა და ტირილით... მტანჯველი აზრების გამო, სასოწარკვეთილ ცირუსს გონება არეოდა და უნუგეშო მდგომარეობაში ჩავარდნილს, ერთად—ერთი ხსნას გზა თავის გამეტებაში ეპოვნა. მას მტკიცეთ გადაეწყვიტა, რომ იგდებდა, თუარა ხელთ მარჯვე დროს, თავზე ხელი აეღო და ამ უკიდურესი ნუგეშით ბრუნდებოდა საღამოს იქიდან, სადაც დილით აღტაცებით მიფრინავდა ჯანით და სიცოცხლით სახვე, ბედნიერი ქალიშვილი... მართას მდგომარეობაც ნუგეშს ითხოვდა. მარა, არათუ არავინ ახლდა მანუგეშებელი, არამედ სანუგეშებელიც ჩავარდნოდა ხელში, რაც ზედმეტ ნაღველს იწვევდა მის გულში... კარგა ხნის მწარე მღუმარების შემდეგ, დედამ გონება მოიკრიფა და იმედიანი სიტყვებით მიმართა შვილს:

— გულს ნუ გეიხეთქ, შვილო, რეიზა

დევგემართა, თვარა მაგისანებოზა ახლა ვინ შეგიწუხებთა? ახლანდელი ქალიშვილებიდან ორიც არაა შენახული, მარა...

— ნუ მეუბნები, დედა; შენ კიდო გულს ნუ მომიკლავ, შე უბედურო! — გააწყვეტია სიტყვა ცირუმ და გული აუჩუყდა.

— ჰო, ახლა გადირიე შენ!... მე დედა არავარ შენი?... შენი ხელა ქალიშვილები...

— არა დედა — არა, ისევ გააწყვეტია სიტყვა ცირუმ, — მაგით ნუ მანუგეშებ შერცხვენილ ქალიშვილს! დატაკი მამის შვილს უბიწოებით მომწონდა თავი, მხოლოდ ერთს იმას ვათასებდი ჩემში... რო ტრედივით მართალი და უმანკო ვიყავი... ახლა ისიც წამართვეს... წამართვეს და, როგორ წამართვეს ურჯულოებმა?... ახლა ვინ არ იცის ეს?... ცა და ქვეყანა ჩემს ამბავში იქნება... — ვერ მოათავა ცირუმ სიტყვა, რო ტირილიც წასკდა...

— უი, — შვილო! რას მეუბნები?... შენ ახლა, ეჭვი გატყუებს, შვილო! იმხელა ხალხში რაცხა მოხთა, იმას ვინ გვიგებდა? მარტვა ჩვენ — კი არ დევგემართებოდა ეს; ქვეყნის კაცი და ქალი იმ დასაქცევში ეყარა და იქ, რა ამბავი მოხთებოდა, ვინ იცისო. მარა, რამოდენი გვევიგონეთ ჩვენ?... ისე გვიგონებენ ჩვენსა... მე დამიჯერე, შვილო, მე...

მართამ უცებ შესწყვეტა ლაპარაკი, რო ტუტუ დაინახა.

— ქალო, რას დოურჩით ამ შვალამელი? — უსაყვედურა ქმარმა ცოლს.

— შენს სიკვდილს, შენს არ მორჩენას, მიახალა ცოლმა პასუხი; შენ რამ გაგამარჯვა ამლამ, შე გულმკვდრის შვილო, რავე ქაჯს გაგხარ?! —

— რას ქვია, რამ გამამარჯვა! ჩვენები არცერთა არ დარჩენილა, ყველა მევიდა და თქვენ რას უდევთ იქ? ის კი არა და ნესტორამ გადამრიო: „ცირუ დეიკარქა და იმის მოძებნას საშველი არ დადგაო.“ — მერე, რა გამაჩერებდა? ბაღნები უპატრონოთ დავყარე და ნახევარი კბილები არ გარამყოლია, ისე გამევიქეცი! ფარსაკი რამე არ მეგონა!

— შენ კი გაგიხმა ის ოხერი თავი!

კბილები როუყავი, შე პირუტყვის ჩამომავლო?... „დეიკარქაო“ — კი არა სამბოლოში წვეიდაო, შენმა სიცოცხლემ!... ჩემი დიშვილი შეხვედროდა — ძაბუ და იმას წვეყვანა ტანციაზე, მაშინის საჩვენებლათ...

— მერე, რას ყრალობ, ქალო? კაი ვქენი, მეგონა და არ მოგიხთა კაი?

— ისე კაი მოგცა ღმერთმა, შენ რო კაი ხარ, ან რამეს ვარგინარ!... „სად იყავითო?“ — შენი გამოგზავნილი ფალიტონს დაგვიანებოდა და იმას დოვურჩით, შე სამოწყალო!... შენისანა საძაგლის ცოლ — შვილს რა გაახარებს? რეიზა მოგცა ღმერთმა შენ ცოლ შვილი?... ფხვები შემექცა სიარულით, დაღალულები ძლიეს მოვლოდავთ, ლაპარაკი გვიქირს ისე დევიზოკეთ და ეს კიდო მეუბნება: — „იქ, რას უდევითო?“ — მაგი, რავე არ იცი, შე თვალდამსებულო, რო შენი ცოლ — შვილმა ყოველთვის უნდა იტიროს შენი დღე!...

— რას იგანქები, ქალო, ამელამ? გზახე ხომ არაფელი გიბოვია! სიტყვას რო არა კადრულოფ, ვითომ რაო?... ფალიტონით, ბარე, ორი არ წამოსულა, მარა სუყველას მოაგონდა სახლი!... მე შეგეხვეწე წასულიყავი, თუ რავეა შენი საქმე?!

გული მომიკლა ამის ტიტყინმა! ენა ჩეივდე — მეთქი, შე გასაქვავებელო და არ მოსარჩენო, თვარა შენ — საქმეს სალაპარაკოთ გავხთი — მეთქი დღეს!...

ტუტუმ, მართლაც, გაკმიდა ხმა; გაშორდა ცოლ — შვილს და წინ და წინ გაეჩქარა შინისკენ... დედა-შვილმა კი გააგძელეს გაწყვეტილი ლაპარაკი... მართა ძალიანს ცდილობდა, რო ცირუს გული გაეფერა უმცრათ მოცხებული ენაგისგან, მარა ის სასოწარკვეთილებითი ნაბიჯი, რომელიც ბეჯითად გასდგა ცირუმ თავის განწირვისკენ, ნაბიჯადვე ჩარჩენილიყო მის მოკლულ გულში.

XII

ერთ საღამოს, მიხელი კონწარის კიდე სტუმრებოდა ჩვენგან კარგათ ცნობილი სანდრო სახითა, რომელიც მთელი ოჯახის სამ-

ხიარულოთ, ხშირათ დაიარებოდა მიხელის სახლში. მიხელი და სანდრო ჩამომჯდარიყვენ ოდის წინა აივნის ბოლოში მიქედელ ფიკარზე და ჩვეულებრივ. მამა—შვილური საუბარი გაეწყობ. სანდროს არ უყვარდა უბრალო და უმნიშვნელო დროს დაკარგვა, რაც მიხელსაც ზედმიწევნით მოსწონდა. ის მაშინვე ცხოვრებაზე დაიწყებდა ლაპარაკს და ახლაც სწორეთ ამ სათაურით დაიწყო მსჯელობა. ყურთასმენათ გადაქცეული მიხელის ცოლ—შვილიც შორი—ახლო იჯდა და სიამით შესცქეროდა მოსაუბრეს... გავსებული მთვარე, ვარსკვლავებით მოქედელ ცაზე მეფურათ გამოქიმული, უხვათ ფენდა ნათელს ამ ერთი მეორის მოყვარულ ადამიანებს და ზაფხულის საამო სიოც გულს უღებდა მათ...

— იცი, ჩვენი ტუტუ თლად ამოწყდა ახლა, — წყენით უთხრა მიხელმა სანდროს, როცა საკმაოთ მოისაუბრეს სხვა და სხვა საგნებზე.

— ვიცი—ვიცი და ძალიან მწყენია სწორეთ, — სხვისი ტკივილისადმი თანა გრძნობის ამძვრელი კილოთ უპასუხა სანდრომ. — აკი გითხარი: ქალს ოჯახის ადგენაც შეუძლია და დაქვევაც—მეთქი... სანამ ისინი ერთი მეორეს ცოლ—ქმრობს, მათი კეთილდღეობა და წინ წაწევა ყოველათ მოუხერხებელია!... საბძელში რო ცეცხლი შეაგლო, უბედურობისგან თავის დაწევა დიდათ ძნელი საქმეა!... საცოდავი მართაც ცეცხლია... და უბედურობაც ის არის, რო გაუქრობელი ცეცხლია... საბრალო ტუტუ!... როგორ არის ახლა ი გოგო, თუ იცი?

— ისე მტერი ვიმყოფოს ღმერთმა! არ ქამს, არ სვამს, ჩხირივით გახმა იმ ხელა გოგო. კაცს არ ეკარება და ქალს; არ შეიძლება სახე ვინმეს უჩვენოს; ან, რა კაი სანახავია, თუ იცი? სახეზე თლად დამუწუკებულია და პირიც გამოქმული აქვს... ამბობდენ და, არ მეგონა, თუ ამდენათ კაცის შემაჩვენებელი იყო ის წყეული ავი სენი! მტერსაც ნუ შეყაროს ღმერთმა, ის არა წმიდა!

— არავინ წამლობს?

— რა წამლობა მოუხთება აწი იმას? სანამ თლათ არ შოუქამია, არ გოუმხელიათ და, როცა გოუქირდათ, მერე—კი იწრიალეს და ვიცხა—ვიცხეები მოუყვანეს. მარა ვის შეუძლია აწი იმის მორჩენა? ან, სადა აქ ტუტუს იმის წამლობას, რო უნდა იმდონი ქონება? ახლა მაინც თლად დაღეულა საწყალობელი, ტანზე სულ არ შეეხედება, თურმე—ერთათ დამპალი არიო.

— საწყალობელი, რა კაი გოგოიყო!

— კაი იყო და კილო რავალი კაი! მარა ვერ მეიხმარა, ბატონო, გადიროა და, აბა, რა დაემართებოდა?!

— ეჰ! ის რაშუაშია, საბრალო? თუ გადავრე, ბრიყვი და ბავში კი არა, ქკვიანიც გადირევა! ის არ იყო წასახთენი გოგო. მარა დაღუბა დედამ. ჰაი—ჰითი გაცეთებული არაფელი არ ვარგა... ყოველიფერს თავის საზომი აქვს და, ვინც ზომას გადააქარბებს, კისერსაც მოიტეხს. უზომობა არაფელში ირ ვარგა და ჩვენი ხალხი უმთავრესათ მითია დაღუბული, რომ არაფლის ზომა არ გააჩნია: თუ დაეცა, ისე დაეცემა, რო მტვერსა და ტალახში არ გამოჩნდეს და, თუ ადვა, ისე ადგება, ქვეყანაში არ დაეტიოს!... მართას ამბავმა მთელს სოფელს უნდა ასწავლოს ქკუა, მთელს სოფელს...

— იმას რო ქკუა და განაჩენი ქონოდა, სააღდგომოთ რო ხარები დაკარგა, ის არ უნდა დაეწყებოდა დიდხანს. მარა სულაც არ შეწუხებულა იმაზე, მეორე თვის ეიკვინტილა გოგო და წვეილა მწ ში!... სახლიდან რო გარავა, შინ დაბრუნებას ვერ მიხვთება იმისანა ქალი, უქირისუფლოთ რო წარატუნდა იმხელა დღეობაზე, რა ხეირი უნდა ენახა, შენი ქირიმე?!

სანდროს ამაზე პასუხი არ გაუცია... მას ახსოვდა, რო მიხელი გააჯავრა, როცა მან ტუტუ დაიცვა, რომელსაც მიხელი სასტიკათ გმობდა უთაობისთვის და უფრო იმიტომ, რო ცოლის მოთხოვნილებათა შებოქვა ვერ მოხერხებია... ახსოვდა ისიც, რო მან მიხელს აჯობა მსჯელობაში, დაარწმუნა, რომ ის შორს არ იხედებოდა, ჩაიყვანა ტუ-

ტუს მდგომარეობაში და შემწეობაც მიაცვლია. მარა ახსოვდა ისიც, რომ მიხელის გაჯავრებათ დაუჯდა, რაც ნოხდა მისი სურვილის წინააღმდეგ, — რალაც გატაცების გამო... ახლაც უნდოდა ეთქვა, რომ მიხელი მართას შესახებაც სცდებოდა, უნდოდა დაერწმუნებია ის, რომ მართაში ცხოვრობდა ერთგვარი მხეცი და საჭირო იყო პირველათ ამ მხეცის ამოღება მიზანში — მოკვლა და არა პირათ მართასი, რომელიც სრულიათ უდანაშაურო იყო თვის მოკმედებაში. მარა მოყრდნა ხელმეორეთ მიხელის პირდაპირ გაჯავრებას, ვინაიდან იცოდა, რომ ის არ აბატეებდა მას პირათ მართას დაცვას, მწარეთაც გამოეკამათებოდა და ამიტომ იყო, რომ სანდრომ მსჯელობაში შორს გაიტყუა მიხელი მიხვეულ — მოხვეული გზით...

ბევრში კიდევ დათანხმდა, რითაც უნდოდა ვიწრო ორღაბეში შეეტყუებია. იქ მგრათ, მარა შეუძინებლათ — კი აედვა მისთვის აღვირი და ამ სახით შემოზოპვილი გამოეყვანა ფართე მოედანზე და ეთქვა: — შეიგენ, რომ, საზოგადოთ, აღამიანი საცოდავია, არაფერში ის დამნაშავე არ არის და, ვისაც სურს აღამიანი გაასწოროს, პირველათ უნდა მოკლას აღამიანში დაბუდებული მსეტი და აწათვით აღამიანთ... უნდოდა ეთქვა, უღიადესმა ურიასტანის მოძღვარმა — სწორეთ ამ აზრით გამოთქვა: „ნუ განიკითხავთ სხვისა ცოდვასო,“ — მარა არ დასცალდა... სანამ ის გულის წადილს შესრულებდა, უცებ მოისმა ქალის კვილის ხმა... ყველამ ყური სცქვიტა... კვილი მოისმოდა ტუტუს სახლიდან, რომელსაც შეუერთდა ტუტუს ბღავილიც. ეჭვი არ იყო, რომ ტუტუს სახლში უბედურება ტრიალებდა... მიხელი საჩქაროთ გაექანა, სიდანაც კვილი — ყვირილი მოისმოდა და, ცოტა ხნის შემდეგ, მოიტანა ამბავი: — „ცირუს საწამლავი მიუღია და ტანჯვა — წვლებით დაღია სულიო.“

კირილე წუთისოფლელი.

11 მარტი 1915 წ.
სოფ. სორტა.

ბრწეინვალე მოძავა- ლისკენ*).

(განგრძელება)

დაუძახეს მეთარეს

ისმაილ ბეგ! მოდი, გეთაყვა, აქ დაჯექ და, აბა... შენებურათ, ძველებურათ! მეთარე სუფრის შორი-ახლო დაჯდა. მან მწუხარე სახე მიაპყრო შორელ მთის წვეკს, აიღო წკირა, ჩამოკრა სიმებს და აკენესდა, ატირდა თარი. თარის ამ სველიან ზუზუნზე გაისმა სპარსული ბაიათი. ამღერდა ვახტანგ ამირეჯიბი. ბაიათს-ბაიათი მოყვა, ბაიათებს — შიქასტები.

დიდხანს იმღერა ამირეჯიბმა. მას მთელი საათის განმავლობაში მოხიბლული ყავდა ბაბოს სტუმრები და, ბოლოს, როცა დაიღალა ვალიდას თხოვნით ერთხელ კიდევ შემოძახა:

ტიროდაა მარო

ტიროდაა მაროოო

შავი ცრემლებით

ტიროდაა მაროოო...

სიმღერას მოყვა ვახტანგის საღღერძელო. ზურნა! ზურნა! — დასძახა ლევანმა. სუფრასთან მოგორდა სამი გაბერილი ტიკი: გენო, შაქრო და ალალო.

— აბა, ბაღდადური! — უბრძანა მათ ლევანმა და, თანვე, ოდნავ გასაგონი ხმით გადულაპარაკა: — აი ისე... ნელო, ნელო! იცით? ორთაქალის ყაიდაზე: დუდუნ-დუდუნით — აზუზუნდა ზურნა, აღუდუნდა დოლი და მკლავებზე გაშლილი სერიაოყა გრაცკულის რხევით გაეცოდა მწვანე მოლზე. ის სრიალ-ცურვით უფლიდა წრეს. მარჯვენა ხელით თეთრ ცხვირს-სახოსს აფრიალებდა. მწყობრ ტაშის ხმაზე რითმიულის რხევით, ხან ცერებზე დგებოდა, ხან ქუსლებს ჩაუკრავდა, ხან ბუქნას დასცემდა და, ჰაერში შეხტომის შემდეგ, წელ გადახეტილი ისევ ცოცვას განაგრძობდა.

— ლეკურიი! გაისმა ლევანის ხმა.

ზურნამ კიკუნი ატეხა, დოლი აბრაზუნდა და სერიაოყაც შეხტა. შეხტა ისეთი სისწრაფით, რომ ვეფხი გეგონებოდათ.

* იხ. „განთიადი“, № 8.

— ყოჩაღ, სერიოჟა!

— დიდებულათ არ ცეკვავს?!—ამბობდენ სუფრის გარშემო. სერიოჟას როდი ესმოდა ეს სიტყვები. ის განაგრძობდა ელვასავით სწრაფ დაელურს და ბუქნას-ბუქნაზე გადადიოდა. გულდამწვარი ბაბო თვალს არ აშორებდა თავის ვაჟს და ნაღვლიანი ხმით ამბობდა:

— Бѣдный, бѣдный мой Сережа! Какъ мнѣ его жаль!.. Какъ мнѣ его жаль! ღმერთო, რა გამაძლებინებს უმისოთ-ო.

ბაბოს სტუმრები კი სიამოვნებით უმზერდენ სერიოჟას მოხატენილ ფეხების სრიალს. თამაში შეწყდა. დაღლილ — დაქანცული და ტაშის ცემით უხვათ დაჯილდოებული სერიოჟა ისევ სუფრას დაუბრუნდა.

— ბატონებო! — გაისმა თამადას ხმა, — სულით და გულით მინდა დავლიო ჩვენი სერიოჟას სადღეგრძელო! ბედნიერია კნენინა ბაბო, რომ ასეთი შვენიერი ვაჟი ყავს! ეჭვი არაა, ეგ ყმაწვილი გაამართლებს ჩვენს მოლოდინს და სახელოვან ოჯახის ღირსეული შვილი შეიქნება. ამის თავდებია მისი რაინდული გარეგნობა და ბრწყინვალე მომავალი!... აი, სწორეთ ამ მომავალზე მსურს ორიოდ სიტყვა ვთქვა და, ვშიშობ, გძელი ლაპარაკით თავი არ მოგაბეზროთ. ბატონებო! ჩვენი წოდება, როგორც მოგეხსენებათ, მეომარი წოდება იყო. მტერი რომ აოხრებას დაგვიპირებდა, ჩვენ გამოვდიოდით მამულის დამცველათ, ვიხოცებოდით და სისხლით ვრწყავდით სამშობლოს არე მარეს!

განგებამ ასე იწება: ვაჟარს არშინი მისცა, გლახს-გუთანი და თავადიშვილს ბასრი ხმალი! განა ძვირფასი არ იყო ეგ რაინდული ხანა? რა ვუყოთ, რომ ბევრი უბედურებაც გვინახავს! გაჭირდება კაცს აფოლადებსო, ნათქვამია. და ჩვენი წოდებაც ხო ფოლადი იყო წარსულში — ისეთივე ბრწყინვალე და უღრეკელი, როგორც ფოლადი? დღეს-კი ამ ბრწყინვალე ფოლადს ჩვენი დაუღვერობით თანდათან ჟანგი ეკიდება. თანდათან ქრება ჩვენში რაინდული სული. სად არი ხანა? სად ვეძიოთ წამალი?..

ღვეანმა აქ წამით დაისვენა, გულჯიბიდან ცვირსახოცი ამოაფრიალა, შუბლზე ოფლი მოიწმინდა და კვლავ განაგრძო:

ჩემი ფაქრით, თუ გვინდა შვენიარჩუნოთ ძველი ძალა-დიდება, თუ გვინდა გადაგვარების გზას ავცდეთ — უნდა აღვზარდოთ ძლიერი მხედრობა. ეჭვი არაა, სამხედრო მეცნიერებაში დიდ უნარს გამოიჩენს ჩვენი ბრწყინვალე წოდება. ამიტომ ქების ღირსია კნენინა ბაბო, კარგ მაგალითის მოცემისთვის. დეე, სხვებმაც მიბაძონ ამ გონიერ საქციელს. ჩვენ-კი, ვუსურვოთ ჩვენს სერიოჟას ბედნიერი გზა და ბწყინვალე მომავალი. ალავერდი თქვენთან!..

სერიოჟა თავჩაქინდრული ისმენდა ამ სიტყვებს.

— ალავერდი!

— იანშიოლ!

წამოიძახეს აქა იქ. სუფრაზე დატრიალდა ვეცხლის აზარფეშები და ერთი უზარმაზარი ყანწი. დაღამდა... სანთლები აანთეს...

ყანწაზარფეშებით ღვინის სმამ თვისი ქნა: ზოგს ენა დაუბა, ზოგი აამეტყველა, ზოგს-კი, როგორც მაგალითად, ლამაზ ულვაშებიან ტიტციოს, წარამარა სეირნობის სურვილი მოგვარა.

— რალაც ხშირათ დასეირნობთ, ყმაწვილო, მგონი ღვინოს გაურბიხართო! — შენიშნა თამადამ ტიტციოს და ერთი ისეთი „სატალახო“ მიართვა, რომ იმ წუთიდან ტიტციოს ადგილიდან ფეხი არ დაუძრავს. ის ვაკუჩდა, გაინაბა და რეტ დასხმული მხოლოთ ერთ რამეს ნატრობდა: ღმერთი არ გაწყრომოდა და სირცხვილი არ ენახა ამდენ ქალებში. ღვინოს-კი სვამდენ და სვამდენ. აზარფეშები წამისწამ იცლებოდენ, ყანწი ხელიდან ხელში გადადიოდა.

ცა ვარსკვლავებით აინთო, მთვარემააც ამოაშუქა და ბაბოს შვენიერი ეზო თეთრ სხივებში გაეხვია. ნელი ნიავე ზანტათ არხვედა დღის სიცხისგან ჯერ კიდევ თბილ ჰაერს. მთვარიან ღამეების ეგ ხშირი სტუმარი დრო გამოშვებით წამოიშლებოდა მთის კალთებიდან, შემოაშრილდებოდა ბაბოს ეზოში და ცაცხვის

ტოტემში ქურდულათ შეპარული რაღაც გაუგებარ ზღაპარს ჩურჩულებდა. და ფოთლების ამ ნელ შრიალზე, სუფრის ვარშემო ნახათ ირხეოდენ შავი ლანდები..

სერიოჟა უეცრათ დადინჯდა, თავჩაქიდებული რაღაც გამოუჩვეველ ფიქრს მიეცა და ოფლით დაცვარულ მის ვარდისფერ სახეს საშინელი გაჭვივება დაეტყო. — ვერ დავიჯერებთ, ვერა, თავადო, კოტეს სადღერგძელო თქვენ არ დავიღვევით! — ეუბნებოდა ლევანის ქაიხოსროს. ქაიხოსრო ხუმრობით ცდილობდა ღვინით სავსე ყანწი თავიდან აეცილებია, მარა არაფერი გაუღიოდა.

ამ დროს, თითქო ღრმა ფიქრიდან გამოირკვაო, სერიოჟა ისარ ნაკრავივით ზეზე წამოხატა, სუფრას ზურგი უბრუნა და ჩქარის ნაბიჯით სახლისკენ წავიდა. გაცხარებული ღვინის სმა იყო და ქაიხოსრო მანც ისე სიტყვამახვილობდა, რომ სავროთო სიცილის დროს სერიოჟას გაპარვა ბევრისთვის სრულიათ შეუშინველი დარჩა. მხოლოთ, კოტახნის შემდეგ, კნენა ბაბომ ჩუმათ ვადულაპარაკა გვერდით მჯდომ სტუმარს:

— ვალიდა გენაცვალე, წადი, ნახე ჩემი სერიოჟა! მგონი, ღვინომ აწყინა... ნახე, გეთაყვანე, და შენებურათ დააყვავილე. მე რო მივიდე, ეწყინება. უიმე, ღმერთო მომკალი, ავათ არ გამიხდეს!..

ვალიდა ადგა... ქაიხოსროს ყანწი დააღლეინეს, ლევანმა-კი ახალი სადღერგძელო წამოიწყა...

სერიოჟამ ძლივს მიაწია სამზარეულომდი. თავბრუ დასხმული ყმაწვილი მიეყრდნო სახლის მალალ კედელს. პირის ღებნება დაუწყა.

მაყვალამ ჯამთასით წყალი მოუბრუნინა. სერიოჟამ კვნესით და „ვაი დედას“ ძახილით ტუჩები მოიბანა, პირი გამოირცხა და, ოდნავ გონს მოსული, ოთახისკენ წაბაჯბაჯდა. დაწოლა უნდოდა, მარა დახეთ უბედურებას! ლოგინზე ვაშლართულ ყმაწვილს სისხლი თავში მოუგროვდა, ისევ ბრუ დაესხა და გაუგებარ ფანზე ბოდვა დააწყებინა. ის უძრავათ იდო ლოგინზე და, დრო გამოშვებით, როცა გონს მოდიოდა, ეგონა, თითქო უძირო ხრამში გა-

დავარდნილი თავქვე ჯოჯოხეთისკენ მიქროდა.

— აა! სერიოჟას გაუმარჯოს! როგორ ხარ, კაცო? უკვე დაწეკი? აი, კავალერიც ასეთი უნდა!

სიცილი დაყარა მას ლამაზმა ვალიდამ, რომელიც ესეც იყო ოთახში შემოვიდა და სერიოჟას თავზე წამოადგა.

— უი, უი! რამდენი ოფლი გაქვს!.. ლოყები ცეცხლივით დაგწითლებია!.. წამოჯექ, წამოჯექ, გენაცვალე! ეშხიანის ღმილით განაგრძობდა ვალიდა. სერიოჟას აღარაფერი ეხმოდა, თუმცა თვალები ღია დარჩენოდა.

ვალიდა ლოგინზე ჩამოჯდა.

— კრრ... კრრ!.. შემოსიმოდა დაღებულ ფანჯრებიდან. ოთახში შიშის მომგვრელი სიჩუმე ჩამოვარდა.

ვალიდამ, ალბათ, სერიოჟას გამოფხიზლება მოინდომა და ამისთვის უფრო ენერგიულ ზომებს მიმართა: ყმაწვილი თავისკენ მიიზიდა, ამოიღო ოდეკალონის სუნით აქნორებული ცვირისახოცი და ყმაწვილს სახეზე ვადუსვა. მანც ვერ გამოაფხიზლა. მერე ტუჩებში კოცნა დაუწყა, ლამაზი თითებით თმა ვადევარცხნა, თავი ვადუწია და მისებური მხურვალეებით თვალები ამოუკოცნა...

ამ ხერხით ვალიდამ, თითქო მიზანს მიახწიაო, სერიოჟას ვამოცოცხლების ნიშანი დაეტყა. ყმაწვილმა თვალები დააცვა, ტუჩები ააცმაცურა და... (ვალიდას ეგონა, ესეც არი ლაპარაკს დაიწყებსო), მარა ოდნავ გონს მოსულმა სერიოჟამ ჰაერში მოულოდნელათ მუშტი გაიქნია და საოცარი ხმით ვაბა:

— ვაი მე!.. აჯან აჯან ბალამ ბალამ!..

აკ სამშობარი, აბა, რა იყო, მარა ამ უეცარმა წამოძახილმა ვალიდა დააფთხო. ქალი შეკრთა და შრიალ შრიალით ოთახიდან გაიქცა.

სერიოჟა-კი იქვე ვადაბრუნდა და ოთახში მადიანი ხერხინი ვაისმა.

— დავაძინე, გენაცვალეო, ჩაუჩურჩულა ბაბოს, დაბრუნებულმა ვალიდამ.

ათი საათი იქნებოდა. სტუმრები დიდის ამბით გამოეთხოვენ პურად მასპინძელს. ეტლე-

ბი ნელ-ნელა დაიძრენ ეზოდან. წინ, კიკუჩინით და რახა-რუხით მიუძღოდნათ ქვეითი მეზურნეები. „ჰაი-ჰაის“ ძახილი დიდხანს არღვევდა სოფლის ნახ მყუდროებას და, ბოლოს, მიწყნარდა, მიჩუმდა. მხოლოდ დრო გამოშვებით, თუ დაიძრდა მთის ნიაფი და, ამ დროს, ბაბოს მყუდროებით მოცულ ეზოში გაიგონებდით შორეულ კრახუნას ყრუ ჩხრიალს.

მეორე დღეს მწარეთ დანადგლიანებული სერიოჟა იღვა სადგურის წინ, პლატფორმაზე და, მწუხარება რომ არვის შეემჩნია, ხელებში სირმის წყეველს ათამაშებდა; ხანდახან კიდევ იკინოდა და ორჯერ, თუ სამჯერ თავის უღაზათო ოხუნჯობით სხვასაც სიცილი მოგვარა.

იქვე იყო დედა მისი, კნენა ბაბო, „ძია დათა“ და „ძია ირაკლი“, მერიც იქვე იღვა. ელიჩკას და კატუტიას. საშინელი მწუხარე სახე ქონდათ.

ცოტა მოშორებით-კი, სამგზავრო ბარგთან, დამდგარიყო ხანჯალზე კახტათ ხელ დაბჯენილი კოწია მოურავი.

მატარებელი ზრიალ-ძიძგინით მოადგა სოფლის პატარა სადგურს. დარეკეს ზარი და დადგა გამოთხოვების ეამი. სერიოჟას გული ჩაწყდა, მარა ცრემლები, ეგ სირცხვილის მაჩვენებელი ცრემლები, რომლებიც ის იყო ვადმოცვენას უბირებდენ, ვაშკაცურათ შეიმაგრა თვალეზზე.

აი, კიდევ დაიძრა შეჩვენებული მანქანა. უშუშუშ. თათათათა... თათათათა...

სერიოჟა ღია ფანჯარასთან დგას და ნაღვლიან თავის რხევით ემშვიდობება დედას, ნაცნობებს, ნათესაებს და...სათუთ მერის, მის „ცუგრუმელა მერის“.

მიქრის მატარებელი და ზედიზედ ქრებიან დედა, „ძია დათა“ ოქროს ხანჯლით, „ძია ირაკლი“ თავის ჩინებით, და კოწია მოურავის ბოხოხის ქუდიც, რომელიც, ვინ იცის, რამდენჯერ დაუბერტყია ტალახში და მტვერში. აი, ყველაფერი გაქრა. დარჩა სადღაც უკან... შორს, შორს—სამოთხეში.

— მშვიდობით! მშვიდობით! —ო, გასძახა თავადისეულს გულდამწვარმა სერიოჟამ და ცხარე ცრემლები გადმოყარა...

სერიოჟამ ხუთი დღე იმგზავრა.

თენდებოდა. მატარებელი ელვის სისწრაფით მიქროდა ნისლიან მიდვრებში. შორიდან მოჩდა ბურუსიანი, და ნაცრისფერი პეტერბურგის ცა. ჩვენი სერიოჟა მორთული და მოკაზმული იღვა ღია ფანჯარასთან. მისი სახე არ იყო ჩვეულებრივად მხიარული, მარა არც მწუხარებას გამოხატავდა. ან-კი რა ქონდა საჯავრო?

წიგნების კითხვას ბოლო მოელო და, თუ მაინცა და მაინც მერის დაშორება შეაწუხებდა, ნუ თუ ამ უზარმაზარ ქალაქში არ მოიძებნებოდა მერის მსგავსი გოგუტუნა?

—აბა, რა სისულელეა!.. განა მარტო ქართველი ქალებია ლამაზები?—ფიქრობდა სერიოჟა ფანჯარაში თავგაყოფილი.

— რუსის ქალი არ იყო ის ცისფერ თვალეზა, ძია ირაკლის რომ ჩამოყვა რუსეთიდან?..

ამ დროს სერიოჟას გაახსენდა ხუთი წლის წინათ მოხთარი ამბავი.

იმ ზამთარში „ქალების მუსუსათ“ წოდებული, უცოლ-შვილო ირაკლი, უკვე მოხუცი, მარა მაინც დაუცხრომელი მოტრფიალე, სამშობლოდან მოულოდნელათ გადაიხვეწა.

— მინდა ვნახო მოსკოვი—ეგ სარწმუნოების ბურჯი ქალაქიო, ამბობდა, თურმე ირაკლი წასვლისას და, სხვათა შორის, ამასაც დაუმატებდა:

თუ ვიშოვე კარგი ეკონომკა, რაც უნდა დამიჯდეს, მაინც ჩამოვიყვან, რადგან ამ ჩვენებურ ქალებს ეკონომიის „ინჩი-ბინჩი“ არა გაეგებათ“—ო.

ერთი თვის შემდეგ, ირაკლი დაბრუნდა მოსკოვიდან. მას ჩამოყვა 18—19 წლის ქალწული, სახელათ კლავდია... სიძარითლე უნდა ითქვას, თავადის არჩევანი საუცხოვო რამ გამოიღვა.

აჰ, რა წყნარი, რა მომხიბლავი იყო კლავდია! მისი ბავშური სახე, ციმციმა, ოქროსფერი თმა, ცისფერი თვალეზი და გველივით მოქნილი, ამაყი სხეული, ვის არ მოგვრიდა ტრფობის სიზმრებს! კლავდია მეოჯახე ქალის როლშიაც სავალალოთო შეიქნა.

ქალის ანგელოზური ყოფაქცევით მად-
ლიერი ირაკლი ასეთ განცხრომაში იყო.
როგორც ადამი-სამოთხეში, მარა შვენიერი
ევა გველმა შეაცდინა.

ირაკლის ნდობით და სიყვარულით გა-
თამამებულმა ქალმა ერთ ახალგაზდა ქართველ
აფიცერს შიშით და საიდუმლოთ რაღაც იარა-
ლი ათხოვა. ეს სამწუხარო ამბავი საბრალო
ირაკლიმ მხოლოთ მაშინ გაიგო, როცა ძვირ-
ფასი ნივთის გათხოვება რამდენჯერმე გამეორ-
და. გაბრუნდა მოხუცი თავადიშვილი და იმ
დღიდან ლამაზ კლავდიას ხსენებაც ვაქრა სო-
ფელ თავადისეულიდან.

აი, ეს საყურათლებო ებიზოდი მოაგონდა
ჩვენს სეროიჯას, როცა პეტერბურგს უახლოვ-
დებოდა და ამ მოგონებამ ზედისეულ მოგვა-
რა მას ტკბილი და ტკბილი იმედები...

დილის ათი საათი იქნებოდა. სეროიჯა
ქარივით მიქროდა ხალხით გაქედნილ ნევის
პროსპექტზე. ვანიერ ეტლში არხინათ გადა-
ქიმულს, გვერდით უჯდა მისი. ახლობელი ნა
თესავი, სარდიონ მიქელაძე. ეს ქალარა ყმაწვი-
ლი 13 წელიწადია, რაც აქაურ უნივერსიტეტ-
ში სწავლობს. სამი ფაკულტეტი გამოიცვალა,
დღეს მეოთხე აქვს ანორჩეული და თითონაც
ვერ გეტყვის, შემდეგ რა იქნება. იშვიათი სი-
ლამაზის, საუცხოვო მომღერალი და მოქეიფე
მზე-ქაბუკი ვაგიყებთ მოწონთ აქაურ საშუა-
ლო წრის ქალღეს, მარა ამ ყმაწვილს
ერთი ახირებული ზნე ჰქონს: მისი ტერ-
მინოლოგიით რო ვთქვათ — მთვრალობის
დროს უყვარს რესტორანებში სარკეების და
ფანჯრების „ლაწა-ლუწი“, ქუჩაზე კი — ქუჩის
მცველების და მეფხოვების „პარტყა-პურტყა“.

ესენი კარგათ იცნობენ ამ „აზიატს“ და
შუა ლამისას, როცა გადაკრულს დაინახავენ,
ერთი მეორეს მზრუნველობით აფრთხილებენ:

— Вишь, Ванюха! кажись заню-
хоя холера шесется! —

სარდიონი და სეროიჯა ჩამოხტენ სო-
ლოვიოვის პირველ ხარისხოვან რესტორან-
თან, იქ მადიანათ ისაუბრეს და იქვე გადა-
წყვიტეს ხადილი ეჭამათ ოთხ საათზე, უსა-
თუოდ რესტორან „მედვედ“ — ში, მანამ-

დი-კი დაელოთ, რაც ახლო — მახლო შესანი-
შნავი ადგილები ევლებოდათ. ნასაუზმევს
სარდიონი და სეროიჯა ისევ ეტლში ჩაჯ-
დენ და გაყვენ ზღვასვით მღელვარე ნე-
ვის პროსპექტს. სარდიონი საუცხოვო გუნე-
ბაზე იყო. ის ლაპარაკობდა დინჯი, ბონის
ხმით:

— სერგოჯან, შენი ჩამოსვლა ძალიან
მიამა, უნდა გითხრა სიმართლე! კაცო, რა ხა-
ნია არ მინახავხარ! დავაშკაცებულხარ, გალა-
მაზებულხარ კიდევ... მხოლოთ ერიდე, ძმაო,
აქაურ ქალებს! ნამეტანი სიყვარული იციან
ხოლმე.. ლამაზ ყმაწვილს, რო ნახვენ ღონ-
ეს და ტვინს ერთათ გამოაცლიან, მარა
ნიჩეორო! ყმაწვილობისას ყველაფერი უნდა
გამოცადო!

— რა თქმა უნდა, ძმაო! —
დაეთანხმა სეროიჯა და თანვე კითხა:

— ეს ვებერთელა წითელი სახლი ვისია?
— ეს გახლავს „ანიჩკოვის სასახლე“, აი, ის-კი
ანიჩკოვის ხილია. შეზე იმ თუჯის ცხენებს!..

— ვაჰ, ერთი ასეთი ცხენი მომცა ჩვენს
თავადისეულში და თუნდაც ათი წლის სიცო-
ცხლე დამაკლო! —

ინატრა სეროიჯამ და თვალეები დააცეცა
ყალყზე შემდგარ ოთხ უზარმაზარ თუჯის
ცხენს.

ეტლი გაშორდა ანიჩკოვის ხიდს. სარ-
დიონი დაუზარებლათ უბასუბებდა თავის
მეგობარს.

— აი, ეს ყაზანის საკრებულო ტაძარია,
ცხრა მილიონი დამჯდარა.. აიმ უზარმაზარ
წითელშენობას დააკვირდი! მეფის სახამთრო
სასახლეა.. აი, კიდევ, ისაკის საკრებულო ტა-
ძარიც 21 მილიონი ღირს!..

ეტლი გავიდა ვასილის კუნძულზე ღ
გაყვა მდინარე ნევის ნაპირს. სარდიონმა მწა-
რეთ ამოიოხრა:

— ფუი, დასწყევლოს ღმერთმა! ხედავ,
კაცო, იმ გძელ შენობას?

— ვხედავ, როგორ არა! ყაზარმა ხომ
არ არი, ასე გადაქიმილი?

— არა!. ყაზარმაზე უარესია. ეს, ძმაო
ჩემი დამღუპველი უნივერსიტეტია!..

მთელი ოთხი საათი ისეირნეს ჩვენმა მგზავრებმა. დანიშნულ დროს რამდენიმე წუთი-ღა უკლდა, როცა ისინი ეწვიენ რესტორან „მედვედ“ —ს. დაღამებისას სარდიონი ეუბნებოდა სეროიყას:

— ხვალ კვირაა... შენ, ჩემო სეროიყა, სამხედრო სასწავლებელში ორშაბათამდინაც რომ არ გამოცხადდე, არაფერი გიშავს. იცი, რა ექნათ? მოდი და ერთი ჩინიხელის ცირკში წავიდეთ. იქიდან 12 საათზე დაუბრუნდებით.. ყაბულსა ხარ?

— რა თქმა უნდა, თანახმა ვარ:

— ოჰ, სეროიყაჯან! ნაშუალამევს ისეთ რამეებს განახებდი, ისეთ რამეებს... მარა გუშინწინ სკაჩკებზე... იცი რაა, სკაჩკები? აი, ჩვენებურათ ცხენების დოღს რომ ეძახიან. იმ ოხერ სკაჩკებზე 300 მანათი წავაგე... ჰო, იმას გეუბნებოდი: გლაზოვის ქუჩაზე ერთი სახლია — იაპონურ სასახლეს ეძახიან ხუმრობით, სულ იაპონელ ქალებითაა სავსე! აწი, ბიჭო, რა თვალები აქვთ იმ შეჩვენებულებს, რა თვალები! უნდა ნახო თეთრ ტრიკოვებში რო ცეკვავენ! ქკუაზე შეიშლები სიამოვნებით!

— ა ბიჭო, წამიყვანე ერთი სარდიონ.

— წაგიყვან, სულიყო, წაგიყვან. ვინ ოხერი არ წაგიყვანს, მარა ცოტა ფული — კი არ გვეყოფა...

სეროიყა საშინლათ დაინტერესა გლაზოვის ქუჩამ. ის მზათ იყო დეხარჯა 200 მანათი, ოღონდ ენახა და ეგრძნო ის ბედნიერება, რასაც სარდიონი პირდებოდა...

მეორე დღეს დაღლილ — დაქანცულ სეროიყას გამოეღვიძა სარდიონის ოთახში. ყმაწვილმა თვალის გახელისთანვე საშინელი დაქანცულობა იგრძნო. სად იყო ის და სარდიონი მთელი ღამე? რას ჩადიოდენ?!

სეროიყას სანატრელი მიმზიდველობით წარმოუდგა მთელი იმ ღამის სურათები და სიამოვნებით გაიხმორა.

— ძალიან — კი დავთვერთი, მეც და ჩემი სარდიონიც! ღმერთო, რა ეშხით უკრავდა იმ დალოკვილ მატჩინს სიმებიანი ორკესტრი! მარა უნდა ვითხრა სიმართლე, ყველაზე უფ-

რო გასაგებელი შიშველ იაპონელ ქალების ცეკვა იყო! რა თეთრი და ჩასკენილი ტანი აქვთ იმ ოჯახქორებს! ყოჩაღ, ყოჩაღ, სარდიონ-ცხვირი რო მიამტვრია ვიღაც სერთუკიანს. ყურუმსალი, რა ჩვენი მეგობარი იყო, რომ აგვეტორღილა? —

ასე ოცნებობდა ახლათ გამოღვიძებული სეროიყა. მის გულში იბადებოდა სიყვარული და პატივისცემა იმ სარდიონისადმი, რომელიც იქვე, მის ახლო იწვა და ბალიშიდან კისერ გადადებული დაკლულ ხარვივით ხროტიწებდა.

(შემდეგი იქნება).

ივ. ი — ანი.

სალაყბო წერილები *).

ნიკო თავდგირიძე „განთიადში“ სჩიოდა, ჩვენმა ახალგაზდა პოეტებმა აღარ იციან ზედმიწევნით მელექსეობის ხელოვნება, რადგანაც თვით ჩვენი ოჯახი გადაგვარებულა, დაჰკარგვია სამშობლო მწერლობის სიყვარული ასე, რომ აღარ გაისმის კვლავინდებურად მუნახიბად წარმოაქმეული ხმები ისეთი, მაგალითად, როგორც უთქვამს თეოდოსიან თავდგირიძის ასულს გრიგოლ მღვდელ მთავარზე მისივე წვევის გამო.

რასაკვირველია, მართალი ბრძანებაა. მაგრამ, განა სხვაფრივ კარგად არის საქმე ჩვენი მწერლობის? განსაკუთრებით სიტყვა კაზმული სა ? უცილოა მხოლოდ ერთი რამ. XIX ს. მწერლობის უახლესი პერიოდიდან, რომელსაც სათავეში ვაყა ფშაველა უდგას, ახალგაზდა პოეტებმა შეისწავლეს თითქმის ზედმიწევნით ფორმა, ქართული ლექსის წერის ხერხი. ამ მხრით შვილებმა მამებს გაუსწრეს. მაგრამ ჩამოპრჩნენ კარგი ფორმის შინაარსითა. როგორც მამების ნაწერში იყო იშვიათი კარგი ფორმა, უხადო და უნაკლო, ისეთი, როგორიც სწვევიანთ თავისუფალი საქართველოს სულ მნათ მოშირეთა; ისევე შვილებს ნაწერს იშვიათად განასხვავებს სიმალღე შინაარსისა, განსაკუთრებით საკლასიკო მხარე. კლასიციზმი პოეტ მამებს მეტი აქვსთ, ვიდრე პოეტ შვილებსა.

სიტყვა კაზმული პროზა კი ახალ პერიოდ-

*). ეს სტატია ისტამბულ პატივცემულ ავტორის მართლწერით. **ჩადამცია.**

ში ჯერ კიდევ არ განვითარებულა. საიმედო ნიშნები განვითარებისა ატყვია ისევ ვაჟა ფშაველას სიმბოლიურ ამბებსა. მამებმა ამ მხრითაც აჯობეს შეილებსა. ილია ქაჯქაძემ, დროების კვალობაზე, დიდი პროზაიკოსი იყო ისევე, როგორც ვისჩამიანის უცხო მთარგმნელი ვინმე. მაგრამ საქმე განუვითარებელი დარჩა მაინც. დანარჩენი სიტყვა კაზმული პროზა ისევე, როგორც მისი სამეცნიერო, თუ სალაპარაკო — საპუბლიცისტიკო ნაწილი, თუ მოსაწონია ზოგჯერ, მოსაწონია მხოლოდ აზრით, თავისი შინაარსითა ასე, რომ ის ნაწარმოები ამ შემთხვევაში წარმოადგენს მხოლოდ დაკარგული ორიგინალის ცუდ თარგმანსა. რათა? იმათა, რომ მხოლოდ უცხოეთის ჟურნალ-გაზეთებს და წიგნებს ვკითხულობთ და ქართულად ვეწვეით მწერლობასა. თუ ქართული საკლასიკო მწერლობა მოგვეპოება, ზოგჯერ არ ვიცით, ხან კიდევ არ დავსდევთ. ხელთ უიარაღონი გამოვდივართ მწერლობის ასპარეზზე მაშინ, როცა ჰხამა, მწერალმა

არ შეამოკლას ქართული,
 არა ჰქმნას სიტყვა ძვირობა;
 ხელ მარჯვედ სცემდეს ჩოგანსა,
 ისმარას დიდი გვირობა.

ასე რომ არ იყვეს, რად განთქმია სახელი ზოგიერთ ისეთ პოეტს და პროზაიკოსს, რომელთათვისაც ქართული კლასიციზმი უცხო ხლია. მაშინ, როცა მათი ქართული ერუდიცია მეცხრამეტე საუკუნის ნაცოდვილევ მწერლობას არ გასცილებია და მათი გონებრივი ავლადიდება მარტოოდენ არარაობას წარმოადგენს?

* * *

განა მარტო ეს გარემოება განახსიათებს XIX საუკუნის ქართულ მწერლობას? მის სიტყვა კაზმულ ნაწილს მოეპოება აგრეთვე ზოგჯერ ყაღბი, ზოგჯერ კიდევ უჯგერო მოტივი, ორივე გამომდინარე ქართველო კოსმოგონის და მწერლობის უტოლდინარობის და მათი ცხოვრების შეუსწავლელობისაგან. პირველია ცეცხლას, მისი ხმარების შემოღების მოტივი. ვინ არ იცის, რომ მღვწე (ზევს, დევს) ცეცხლი ჰქონდა, მისი გაჩენილი კაცი კი ზნელში იყო? მაგრამ მისმავე ნათესავმა პრომეთემ შეიცოდა კაცი, რომელსაც, ცეცხლის უქონლობის გამო, სატანჯველი ადგა, მღვწე მოჰპარა ცეცხლი და ასწავლა სიკვდილის შვილს მისი ხმარება... აქედან დაიწყო მისი

წარმატებაცა. მღვწე შეპყრდა და პრომეთე მიაქედინა ჰეფესტოს კავკასიის ციკაბო კლდეზე. ეს ამბავი, რომელიც ბერძენებმა შეჰქმნეს, მათმევე ტრაგიკოსმა ესხილმა ქრისტეს წინ V საუკუნეში გადააკეთა ტრაგედიად, რომელსაც უწოდა მიფუსმუჟია პრომეთე. ქართულ ლადაც-კი ითარგმნა. ამირანის ზღაპარი ქართველი ხალხის შექმნილია ქართულ ნიადაგზე აღმოცენებული. ამირანი ღმერთმა დასაჯა, როგორც, მარტო ბრძოლის დროს, მისმა მძლეველმა, მომრევემა. რათა? იმათა, რომ თავს გაუვიდა, პატივმოყვარობამ ნება აღარ მისცა მისი მძლეველი ამ ქვეყნად კიდევ ვინმე ყოფილიყო ღ განიზრახა განგების დაპარცხებაცა: გამოიწვია სამრძოლველად, მაგრამ დაჰპარცხდა. იმავ ადგილზე, ღმერთმა რკინის პალოზე ჯაჭვით დააბა და ზედ გადმოჰხურა მღვიმედ მყინვარ-გერგეტის მთები. ზღაპარშია გაკვირით ნათქვამი, ამირანს ეწადა ღარიბი ხალხისთვის, რომელიც სისხლიან ქერის პურს სჭამდა, რძინი პური ეჭმიაო.

ყორანი პრომეთეს გულ ღვიძლს უკორტინდა, ამირანს კი, ღვთისავე ბრძანებით, აწვდიდა ყოველდღე რძინ პურს და ხელადა ღვინოსა. შეიძლება ამირანს ნაკრთომი უპოოთ ებრაელთ, ბერძენთ და არაბთა კოსმოგონისა, რაიც კიდევ გარკვეული მაქვს ჩემი ამარანას ლექსის წინასიტყვაობაში. მაგრამ ეს სულ სხვა საკითხია. ცეცხლი მაინც არ სად სჩანს. მაშასადამე, ამირანის ცეცხლი ყალბი მოტივია. უნდა ითქვას პრომეთეს ცეცხლი, ზღაპარიც ბერძნულად დაიწეროს და ბერძნულ ყაიდაზე გამოყენებულ იქმნეს ნახელოვნებ ქმნილებაში.

მეორე ყალბი მოტივია ნესტან დარეჯანის პირადობა. ნესტან დარეჯანი ნახელოვნები ტიპია ქალიხა. მსოფლიო მწერლობაში რამდენიმე თუ ჩამოითვლება თავისი სიდიადით ისეთი ტიპი. ქართულ მწერლობაში ხომ სულ ობლადა სდგას ისევე, როგორც მისი უკვდავი შემოქმედი დიდებული რუსთველი. განა ნესტან დარეჯან ქართლის ბედია, როგორც სწერენ და მკვერ მეტყველებენ? ეს გარემოება მხოლოდ იმას მოასწავებს, რომ საშობლო მწერლობა ნაკლებად ვიცით. ნესტან დარეჯან ბედი კი არარის, ან ხვითო, თუ ნატრის თვალი, რომ ყოველი ბედნიერება კარს მოვადგეს ისე,

რომ ხელის განძრევა აღარ დაგვირდეს. არა! იგია სხვისი გამაბედნიერებელი, უპირველესად თავისი მამულის ინდოეთისა, დიდებული სუბიექტია, რომელმაც თავისი სულითად-გულითადი მიჯნური ტარიელ, როგორც საყვარელი, ამოქმედა მაღალ საგმირო საქმისთვის მას შემდეგ, რაც ხატავთი დააპყრობინა. რა იყო ის საქმე? იგი იყო ბედნიერება ინდოეთისა, რომელსაც ხიფათი და უბედურება, პოლიტიკური მოწიხება მოველინებოდა, თუ გათხოვდებოდა ხვარაზმშახე. ფარსადან მეფეს უნდოდა სპარსეთის ბატონიშვილის ზედ სიძედ მოყვანა ინდოეთში, ინდოეთი კი სამკვიდრო იყო როგორც ნესტანის, ისე ტარიელისა. იმავ დროს ნესტან და ტარიელ ერთმანრეთის მოყვარულნი იყვნენ, მაგრამ სიყვარული საიდუმლო ჰქონდათ. მეფე დედოფალმა თათბირზე ტარიელიც დაისწრეს. ამ ამბის გამო ტარიელ სწერს საყვარელსა,

შეცოლუბატა ვით ვკადრე,
რადგან თვით იყო უნდომელი.
მოწიხება დაჰპრთე, დაესკვნა
დღე ჩემი სულთა მსდომელი.

ამას შემდეგ ტარიელ კომპკში ეახლა ნესტანსა, მაგრამ სატრფო პირქულად დაჰხვდა „გამწყრალ განრისხებული. უწოდა დივის გამტეხი, მტყუანი და მუხთალი. ბოლოს, უბრძანა:

ვინტა გინდა
უპატრონოს ინდოეთსა,
ეგრეც მე მაქვს უპატრონობა,
უცხოად ჰვლიდენ, თუნდა გზეთსა.

ტარიელმა შეჰხვდა, ჰნახა სასთუნალზე მუსაიფი (ყურანი) გაშლით მდებარე. აილა ადგა, ჯერ ღმერთი, მერმე ნესტან აქო და ჰკადრა. ცამ მრისხოს, მე, თუ შენთვის ფიცი გამეტეხოს. დამეშალა შენი ქიარწინება, ვერ დავპშლიდი, თავსა უთხარ, მიუმოწმე ჟამად გიჯობს გულმაგრობა მეთქი.

მეშტა დაშლა, ვითა ვჰკადრე,
რადგან იგი ვერ მიმხვდარა,
ის თუ იცის, ინდოეთი
უპატრონოდ არ გამხდარა!
ერთი მე ვარ შემამულე,
სხვას ჰმართებს არად არა.
ვის მოიყვანს, არა ვიცი,
ახუ იგი ვინ მომხდარა

ნესტანმა დაიჯერა მიჯნურის სიმართლე, დაუტკბა და უთხრა,

იყვდი თავსა ჩემსა და
მორტყმით ინდრეთს ფელაბასა,
მე და შენ დაჰვსნდეთ ხელმწიფედ,
სჯაის უეკლას სიძე სძლაბასა.

გონიერი
ჰნამს, არადეს არ აჩქარდეს,
რატა სჯობდეს, მოაგვაროს,
საწუთროს დაუწყუნარდეს.
თუ სსსიძა არ მოუშვას,
ვა, თუ შეფე გავიმწარდეს,
შენ და ისი წაიკიდნეთ,
ინდოეთი გარდაჰქარდეს.
გვლან, თუ სიძე შემოუშვას,
მე შეშირთოს, იუოს ას დენ,
ერთმანეთსა გავეუწნეთ,
ძაწეუღნი გავეფელასდენ,
მათ მორტყმულთა მოიკლდინონ,
ჩვენ უტყუხი გავგვასდენ,
გვე ამბად არ ეგების,
რომე სხარსნი გავგვიხასდენ.

ტარიელმა ჰკადრა, ღმერთმა აშოროს იმ ქაბუეს შენი ქმრობა.. რა შემოვიდენ ინდოეთს ასრე დავპროცო, აღარას სახმარობა აღარ შეეძლოთო. ნესტანმა უბძანა თუ,

ჰნამს დიაცი
დიაცურად, საქმე დედლად.
დიდის სისხლსა ვერ შეგაქნევ,
ვერ ვიქნები შუა კედლად.
ჩამოვიდეს, სიძე მოჰკვალ,
მათთა სხათა აუწევეტლად.
ქნა მართლისა სმართლისა
სესა შეიქმს ხმელსა ნედლად.

იგი რა მოჰკვალ, ეუბენ
უპატრონოს ჩემსა მამასა,
ჰკადრე თუ, სხარსთა ვერა ვიქმ
ინდოეთისა ჰმამასა.

ჩემია მკვიდრი მამული,
არ მივსტკეპ არცა დრამასა,
არ დამესსნები, გავიხდი
ქალქსა, ვითა ტრამასა.

ჩემი ყოფა ნურა გინდა,
სიყვარული, სურცა ნდამა,
ამით უფრო მოგტყმის
სიმართლისა შენ მოხდამა.

(დასასრული იქნება.)

შეტრე მირანიშვილი.

ქუთაისი.

(პარველი წერილი).

სირცხვილი კი არი ქართველი კაცი ამას ამბობდეს, მარა მაინც უნდა აღვიარო.

მეოთხედი საუკუნეა, რაც ამ შვენიერ ქვეყანაზე ვცხოვრობ, მალე ორი წელიწადი შესრულდება, რაც სამწერლო ასპარეზზე გამოვსულვარ, ქართველ საზოგადოების მაღალ წრეებში დიდის ამბითაც მიპირებენ ორი წლის იუბილეს გადახდას და...

ქუთაისი-კი არ მინახავს!

მიუხედავად ამისა, მაინც დიდ ეროვნულ მწერლათ ვითვლები. რაღა დავმალო, ამ ორი-ოდე კვირის წინ ჟურნალ „თეატრი და ცხოვრების“ თანამშრომელმა, ახალგაზდა (12 წლისა) კრიტიკოსმა ვახტანგ კოტეტიშვილმა შემოიარა ოცდაათამდი დაბა-სოფელი. და დიდი აფროთოვანება გამოიწვია თვისი საუცხოვო ლექციით ჩემ შესახებ:

„**ია ვარდიძე და მისი შემოქმედება**“.

პარილის უკანასკნელი რიცხვი იყო, მგონი, ის საარაკო, მზიანი დღე. ცეცხლით განადგურებულ ქართულ თეატრის ნანგრევებზე ვისხედით მეგობრები და, აღარ მახსოვს, რის შესახებ გვქონდა საუბარი. ეს კი ვიცი—საერთო ყურათლების საგანი მე თვითონ გახლდით.

ვფაქრობდი:

— ვიცი, ვიცი, თქვე ეშმაკებო, თუ რათ ისმენთ ყოველ ჩემს ნათქვამს: თქვენ გსურთ, ჩემი სიკადილის შემდეგ, „მოგონებებით“ აავსოთ ჟურნალ-გაზეთები, მარა...

— ყმაწვილო, ქე როგორ ეკადრება თქვე ნისთანა ნიჭიერ მწერალს ქუთაისის უნახაობა. რას იხილავთ უშვენიერეს ამ ჩვენს ტურფა სამშობლოშიო, მისაყვედურა იმერელმა დეკანოზმა, გაბრიელ კელენჯერიძემ, რომელიც ჩინებულ ლექსებს ათავსებს, თურმე, სოციალისტურ გაზეთ „იმერეთში“.

ასეთმა მოულოდნელმა შენიშვნამ გამაწითლა, დამაბნია და საპასუხოთ მხოლოდ ეს-ღა მოვახერხე:

— მამაო, მეც ვვარძობდი ამ დიდ და-

ნაშაულს და სწორეთ ამისთვის გადაწყვეტილი მაქვს ზეგ ღამით ქუთაისისკენ გავემგზავრო-მეთქი.

ამ სიტყვებმა მხიარულების ღიმილი მოგვარა „იმერეთის“ თანამშრომელს.

— ძალიან კარგს ინებებთ, თქვენმა სი-ლოცხლემ! მიპასუხა.

— ჩვენ, ქუთათურები, ამას ტრახახობაში ნუ ჩამოგვართმევთ, საშინელ პატივსაცემთ საზოგადო მოღვაწეებს. უნდა მოვახსენოთ, ნამეტანი ფხიზელი და მხიარული ხალხი ვართ იმერლები. საოცარი ზემით ვიცი იუბილეს გადახდა. აი, მაგალითად, ლუკა ჩიბურდანიძე! განა დავიწყებული არ ყავდა ის მთელ საქართველოს? ვიღას ახსოვდა მისი დიდებული დრამები, რომანები. ლექსები და ტრალედიები? არავის!...

აი, სწორეთ ჩვენ, ქუთათურებმა. ავტენტუ ერთი ალიაქოთი და დღეს, ვინ იქნება ისეთი თავხედი, რომ გენიოსათ არ ალიარბდეს ლუკა ჩიბურდანიძეს!

მე ყველაფერში ვეთანხმებოდი მამა გაბრიელს. ის კი, ის ჩემი ცოდვით სავსე, ალტაცებით განაგრძობდა!

— მაშ, გადაწყვეტვლი ვაქვთ, ხო? მეც თქვენთან მოვდივარ. ზეგ ღამით გავალთ თფილისიდან, მეორე დღეს-კი, დილა აღრიან ქუთაისში ვიქნებით. იქ მე ვეცდები გავაცნოთ იქაური უხვი ქველმოქმედი ანთიმოზ მოსიძე, რომელმაც 12000 მანათი შესწირა, აი, ამ დაწვარ თეატრის ასაგებათ, 6000 მანათი ქართველთა შორის წ. კ. გაავრცელებელ საზოგადოებას, 2000 — ადგილობრივ ბიბლიოთეკას და ბევრი სხვა. იქვე გავაცნობთ ლონგინოზ დათეშიძეს. ასეთი ხელ გაშლილი და გულშემატკივარი ადამიანი, არა მგონია, რომელიმე ერს მოეპოვებოდეს. მთელი ქონება ჩვენს კულტურულ დაწესებულებებს შეალია. თვითონ კი დადის თავფეხ შიშველი. ამ ბოლო დროს მადლიერმა ქუთაისის საზოგადოებამ ის ბანკის თავმჯდომარეთ აირჩია და ჩვენმა გაზეთმა დიდის ალტაცებითაც აღნიშნა ეს ფაქტი...

შავწვერა დეკანოზმა მუცელზე ხელები

დაიღო, დიდრონი თითები აათამაშა და ისევ განაგრძო:

— ქუთაისმა ბევრი ნიჭით სახსე შეილი მისცა საქართველოს. ავიღოთ, მაგალითად, იონა ჩიმაკოვანი. მისთანა ენა მქვერი ორატორი იშვიათია ჩვენს ისტორიაში. ამ საზოგადო მოღვაწის წარსული—ეს ერთგვარი ზნეობის მაჩვენებელი სკოლაა მომავალ მოღვაწეთათვის... თქვენ გაიგონებდით კალისტრატე ჩიკმაკურიძის სახელსაც. ეს შესანიშნავი ვეჟილი, ისეთივე ფაქიზი ზნის გახლავთ, როგორც იონა ჩიმაკოვანი. მხოლოდ სამწუხაროთ მიმაჩნია, რომ ეს ძვირფასი ადამიანი ებრაელების უბანში ცხოვრობს. დიდი პატივისცემა აქვს დამსახურებული დავით მასხულისს. ამ შესანიშნავ დრამატურლის კომედიებს აღტაცებაში მოყავს მთელი ქუთაისის საზოგადოება...

დავითის კალამს ეკუთვნის კომედია: „რუკი ნა პლეჩი!“, „მუჯღლუგუნი“, „ვეი პლაჩი“ და...

— იქნებ, სხვა დარგშიც იყოს შესანიშნავი ეგ თქვენი მასხულია-მეთქი, ვკითხე ადელვებულ დეკანოზს.

— დავით მასხულია? ოოო? ეგ შეუღლებელი იუმორისტია, მიპასუხა:

— ნამდვილი მარკ ტვენია! თქვენ დავითი უნდა ნახოთ, იცით, როდის?

— როდის, ნეტავი?—ვკითხე მე.

— როდის და, როცა ჩოხა ახალბოხში ჩაბალახით თავშეკრული გამოდის ქუთაისის უზარმაზარ სცენაზე. მის ოხუნჯობას რო ყური დაუგდოთ, მუცელზე კანი არ შეგრჩებათ! ვის არ მოწამლავს მისი ბასრი იუმორი!...

ამ 6 წლის წინათ, სცენიდან ნათქვამ კუბლეტებით მან ტყავი გააძრო ყველა იმ ნაძირალებს, რომელთაც ჩვენი შეცდომით ახალთაობას ვეძახდით.

ერთი მისი კუბლეთი ახლაც ზეპირათ მასხოვს!

— მაშაო, ნუ დაიზარებთ და გამაცანიოთ ამ კუბლეტის შინაარსი-მეთქი.

ვთხოვე გაბრიელ კელენჯერიძეს.

დეკანოზმა მძიმეთ ჩაახველა, ხმა გაიწმინდა და წვერების ცმაკურით დაიწყო:

— ჩვენ რომ დრო გამოვიარეთ, იმისთანა თქვენსა მტერსა! დააქციეს საქართველო, წიხლი ჩასცეს ტანჯულ ერსა.

იძახოდენ: ჩამოდექით! ეს ბურჟუა, ის ბოროტი... ვისაც ორი ვროში ქონდა, გაუკეთეს ბოიკოტი!

„ძირს ყველაო!“ გაიკოდენ... გაჯიუტდენ, შეკრეს ბლოკი. მარა მოგვეთ სიცოცხლე, გამოუვიდათ ბოლოკი!..

„ჰა მაგასო!“.. და გაიქცა არა ერთი დემოკრატი, და შიშისგან ყოველ მათგანს მოეშალა, თურმე, კრანტი!

„ეჰა, პრაშაიტ სოციალიზმ!“ და დააღეს ცუდათ ხახა.

ჩვენ-კი დავრჩით და ვიცინით:

„ბი, ბი, ბი, ბი!.. ხა, ხა, ხა, ხა!“.

პატარა ჰაუზის შემდეგ, გაბრიელი მეორე კუბლეტის დაწყებას აპირობდა, მარა მე უეცრათ კბილის ტკივილი მოვიგონე და საჩქაროთ გავშორდი იქაურობას.

ი ა ვ ა რ დ ი მ

კ რ ი ტ ი კ ა .

ილია ჭავჭავაძე, წაგონრე ღირსიკასია ზოქტი. (27 ღვინობ. 1887—ავგ. 1907 წ.)

I.

ნეტა, ვინც კარგი საქმით იღნიშნავს თავის დროსა, ის იქვე ეწაფება უკდავების წყაროსა!... ილ. ჭავჭავაძე.

გასული საუკუნის სამოკიან წლებში ქართული ლიტერატურის მოულოდნელი, რითქმის უეცარი აღორძინება, მკვდრეთით აღდგენა და განახლება ყველა გონიერი ადამიანისთვის დიდათ დიდი თვალსაჩინო, მეტათ აშკარა ამბავია. მაშინდელ ჟურნალებს, ან უკეთრო ვთქვათ, იმ დროის ჟურნალს, ილიას

„საქართველოს მადამბეს“ რო ვათვალისწინებთ, ჩვენ ვხედავთ სრულიათ ახალს, ჯერ საქართველოში არსად არ ნახულს, რამდენიმე განათლებულ, პატიოსან კაცისგან შემდგარს რაზმს ლიტერატურასა და საზოგადოებაში მომუშავეთა, რომელთაც საქართველოს მდიდარს არე-მარეში პირველათ შემოაქვთ უცნობი, ახალი საგნები, შლიან ჩვენი თვლის წინ ფართე, მიმზიდველ იდეალებს და იმათ შესახებ ბჭობენ და ბაასობენ მწერლობასა, ოჯახსა და საზოგადოებაში. სალიტერატურო ბჭობას და ქადაგებას, პუბლიცისტურ, ლირიკულს და ბელეტრისტულ დიდ უანგარო შრომას ნამეტურ ის მადლი მოყვა, რო ქართული ლიტერატურა დიდათ გამდიდრდა ახალი ძვირფასი ნაშრომებით და თვისი ძლიერი და წარმტაცი შინაარსით მიცეს მას სრულიათ ახალი მიმართულება, გაამდიდრეს ქართველთა საზოგადო აზრის ვითარების საქმე და თლად ჩვენს შვენიერს, ტურფა ქვეყანას უხვათ მოჰინეს ახალი აზრები და სიტყვები.

რა იყო მიზეზი ამ განახლებისა?

მოგვხსენებათ, ყოველგვარ შემოქმედობით ძალის გავითარებას ცხოვრებაში გარს ახვევია ასი და ათასი მრავალი გარემოება და ერთი მეორეში გადახლართულია მრავლის უმრავლესი საზოგადო და ინდივიდუალური პირობა. ამიტომ კაცისთვის ძალიან ძნელი გამოსაძებნია, რომელი გარემოება გამოაცალკეო, გახადო ყურათღების ღირსი და წაავლო ხელი და გამოანახო ძარღვი მთელი მოძრაობისა, შემოქმედობისა. ქართული ლიტერატურის მაშინდელ განახლებას და აღორძინებას ზოგიერთი ჩვენი მწერლები, უმეტესათ, აწერენ მხოლოდ და მარტო ტალანტების ჩვენში იმეამათ გაჩენას და სალიტერატურო ასპარეზზე გამოსვლას. მარა ესეთი აზრი სიმართლეს მოკლებულიც რომ არ იყვეს, გადაქარბებული ხომ არის და არის. რა საკვირველია, მაშინდელს მოღვაწეთ ნიქსაც და ენერგიას, აბა, ვან წაართმევს. მარა ასე მარტივათ დიდი საგანი მაინც ვერ აიხსნება. ნიქიერი, დიდი ტალანტით დაჯილდოებული კაცები გამოვიდნენ მაშინ სამუშაოთ ცხოვრებასა და ლიტერატურა-

შიო, რო ვიძახოთ, ეს არა კმარა. საჭიროა და ფრიადაც საჭიროა, ავხსნათ ეს გარემოება, რატო მაშინ დაიბადენ დიდათ ნიქიერი კაცები და დღეს—კი ვითომც არ იბადებიან ნიქიერი. მაშასადამე, კვლევის საგანი აქ უფრო ღრმავდება და რთულდება.

მე, პირადათ, ლიტერატურაში ტენდენციური ხელოვნების მომხრე არავარ¹⁾. მოძღვრული, მშრალი მორალების და ტენდენციების მქადაგებელი ხელოვნება, ან მხატვრობა ლიტერატურაში მე მიმაჩნია ძალიან ცუდ საქმეთ, პირდაპირ უსაქმურობათ, წმინდა წყლის ლაყბობათ.

მხატვრული ლიტერატურა და თლად მწერლობა ხატავს სრულად ცხოვრებას, მთელი თვისი სიღრმე-სიგანით და ძალით, ყოველ გვარი მომხდარი ცვლილებით, ბრძოლით, მოძრაობით და გრძნობა-გონებით. ცხოვრების სინამდვილეში გრძნობა და აზრი არის. მაშასადამე, ლიტერატურამაც უნდა გამოხატოს ეს გრძნობა და აზრი. აი, ამიტომაც, ლიტერატურას ცხოვრების სარკეს ეძახიან. ნამდვილი და ქეშმარიტი მხატვარნი და მგოსანნი აპურობენ გრძნობა-გონებას იმ დიდ საქვეყნო მოქალაქობრივ და ეროვნულ ბრძოლას, ან უკეთა ჭტქვით, ანტაგონიზმს, რომელიც ატეხილია ამ ჟამათ ამ ჩვენს ისტორიულს დროში, კაპიტალსა და შრომის შორის. ისინი გამოხატვენ იმის სახეს-ფორმებს, იმის გაბედულ და მამაც, ძლიერს და მხიარული გულის თქმითა და მისწრაფებას, მისს წინააღმდეგობათა და ინტერესებს, მთელი იმის საოცარს და საკვირველს დიალექტიკას...

ნამდვილი და ქეშმარიტი მხატვარნი და მგოსანნი წერენ და მღერიან მომზიბვლელი და ძლიერი კალმით და ხმებით და ხატვენ თანამედროვე მოქალაქეთა სურვილებს და მისწრაფებას, აღტაცებას და იდეალებს ყოველგვარი მხატვრული საშვავლებით და სალიტერატურო ფორმებით. მხატვარნი და მგოსანნი სრულიათ თავისუფალი და თვით-მყოფნი არიან აქ. მათ ვერ დაატანებენ ძალას

1) მკითხველს ვთხოვ, ამ საგის შესახებ მოიგონოს ჩემი პოლემიკა ბატ. ივ. გომართელთან. ავტ.

მორალისტები, ტენდენციების მქადაგებელნი და უტილიტარისტები... წეროს და იმდროს ჭეშმარიტმა სმეტვარმა-შემოქმედმა სწორეთ რც, რაჯანჯ თაჯსსუფჯათ თავის თავად, ძალდაუტანებლათ მდევას ბუღბუღი. ჩვენც ვიმეორებთ, რომ, თუ მახვილმა ფხიზელმა ყურმა და თვალმა მხატვარი-შემოქმედი მკონსისამ, რაც დაინახა და გაიგონა დღეს ცხაჯრებაშა დასახსნათებელი, თჯაღ საწანო, ან შეიძლება ან იქედრას მან ფაჯაღ დაჟთ გამომწყარა და თქროსაჟთ ძვირჯესი სემღერა, რამ ან გამოსტყს მუსიკასაჯით ძღიერი, ჟურ ან გაჯონილი ხმა მასმა საქაჯაშა. აი, აქ არის, ჩემი აზრით, საიდუმლოება მხატვრობისა. ეს არის მისი ფსიქოლოგია და ფილოსოფია. თვით პროცესი შემოქმედობისა, რომელიც მქნის რთული ცხოვრების, ღრმა და ძლიერი სულის განახიერებას-გამოაშკარავებას ინდივიდუალურ ადამიანის შემოქმედობაში, ჯერ კიდევ მიუწდომელია მეცნიერებისთვის. მაშასადამე, მიუწდომელია და საიდუმლოებით მოცულია ისეთი სერიოზული კრიტიკისთვისაც, როგორც არის ისტორიული კრიტიკა.

უნდა გვახსოვდეს ისიც, რომ ხელოვნება და, საერთოთ, ლიტერატურა, თუ მივიღებთ ამ სიტყვას მისი უაღრესი მნიშვნელობით, ცხოვრებაში ურომის დროს, დიდათ გამოასყენებელი რამ არის, ისეთი რამ, როგორც მაგალითად, ჟურნალისტიკა და პუბლიცისტიკაა. ჟურნალისტიკა და პუბლიცისტიკაც სარკესავით ხატავს დღეინდელ დღეს, ჩვენს ყოველდღიურს ცხოვრებას კაცთა საზოგადოების ქირსა და ვარამს, რადგან ცხოვრებას ზედ გულზე აზის და ამ გულიდან სცემს ქვეყნათ იმისი მაჯაც.

აკი მოგახსენეთ, ლიტერატურა და ხელოვნება, მიუცილებლათ, გამომატეველია ცხოვრების. მარა მას აქვს სრული უფლება ამ ცხოვრებას უყუროს და შორებით, განზე, უყუროს ისე, როგორც გარეშე მაყურებელი თითქმის, და ისე უნდა ათვალიერებდეს, დინჯათ უკვირდებოდეს ცხოვრებას, არა, როგორც გულის თქმით გატაცებული და დღიურვარამით მწარეთ დაინტერესებული, არამედ ერთი დიდი

საერთო, საზოგადო იდეთ, რომელიც შეუ-სისხლობორცებია შემომქმედი ავტორის სუბიექტიურს არსებას. და, რასაკვირველია, არც ეს იდეა უნდა მომდინარობდეს მარტო დღეინდელ დღის, ამ მომენტის ცხოვრების დულილიდან. არა. იმისი დასაბამია თვით ჭეშმარიტი ლიტერატურის დასაწყისში და ჩასახულია შორს, წმინდა მიმზიდველს სამერმისო იდეალებში. აი, ამ დიადი საერთო, საზოგადო, საკაცობრივო იდეს მადლით და ელვარე სხივით გამოინახება ცხოვრებაში ხელსამდღვანელო დღეინდელი დღის იდეებიცა და ისინი სრულის ხატებით და ძლიერებით გამოითქმინ ბელეტრისტიკაშიაც, ლირიკაშიაც, პუბლიცისტიკაშიაც და კრიტიკაშიაც. იდეები, მართლაც, მანიხელებს ეონებივით, ციდან ხომ არა ცვივან. ისინიც ჩნდებიან და ვითარდებიან მხოლოთ და მარტო საზოგადობრივ ურთიერთობაში და ყოველთვის, ყოველგან აზისთ ბექედი ასეთი ვითარებისა. რათქმა უნდა, დიდ-დიდ განყენებულ იდეოლოგებშიაც, დიდ-დიდ და ძლიერ სამხატვრო შემოქმედობაშიაც ყოველთვის გამოიხატება ხოლმე, შედარებით რომა ვთქვათ, პატარ-პატარა, უბრალო ფორმალური ელემენტები, რომელნიც ერთი ხანიდან მეორე ხანაში, მეორე ეპოქაში გადადიან. მარა ეს უბრალო, ერთი შეხედვით, უმნიშვნელო ელემენტები ასე, თუ ისე დახასიათდებიან ერთი უმთავრესი, დიადი ისტორიული შინაარსისგან და იმისგან იღებენ თვის დასაბამს.

თუ რომ თვით ცხოვრებაში არის ცოცხალი, პატოისანი აზრები, არ შეიძლება ლიტერატურაშიც არ გამოხატოს ისინი. ამ გარემოების წინააღმდეგი მოვლინება შესაძლებელია მხოლოთ და მარტო მაშინ წარმოვიდგინოთ, როდესაც „გარდუვალი ძალა“, ილიასი არ იყოს, „მიზუნისა გამო სხვისა და სხვისა,“ გადაეღობება წინ ლიტერატურას. აი-ღეთ ემილოზოლა, საქვეყნოთ გათქული განსვენებული ბელეტრისტი საფრანგეთისა და თქვენ ნახავთ, რომ იმის ინდივიდუალურს თავ-გადასავალს თან მისდევს საზოგადო მოძრაობის და იდეების მხატვრულათ გამოხატაც.

ახლა გადაშინჯეთ ილია ჭავჭავაძის ნაწერები, ისიც თვისს კერძო ხასიათის მიწერ-მოწერაში, პუბლიცისტურ წერილებში, მოთხრობებსა და ლექსებში ხატავს თანამედროვე ქართველთა ცხოვრების საზოგადო მოძრაობას...

მარა მხატვრული ლიტერატურა, როგორც მოგეხსენებათ, გარემოცულ ცხოვრების მარტო და მხოლოდ მშრალი გამოხატვით—კი არ უნდა კმაყოფილდებოდეს. სეროიზული ლიტერატურა ღრმად დაუკვირდება, შეისწავლის და დაამუშავებს ცხოვრების მოვლინებას. მერე, შევნივრათ, პოეტურათ, საკუთარის ფანტაზიის განცდის წყალობით გარდაქმნის მას და ძლიერის გულის აღმძვრელის მხატვრობით დაგვიხატავს ცხოვრების სინამდვილეს. სწორეთ ასეთი მხარე აქვს ლიტერატურას რუსეთში წარჩინებულის მწერლის, გოგოლიდან დაწყებული და საქართველოშიაც ილია ჭავჭავაძიდან მოყოლებული. მხატვრულთა დამუშავება, განცდა, გარდაქმნა საზოგადოებრივი სინამდვილისა ყოველთვის და ყოველგან ნიშნავს მოძრაობის, ცოცხალი, პატიოსანი აზრებით და იდეებით ცხოვრებას, ბრძოლას და მღელვარებას. ჩვენი ახალი ლიტერატურა, ან უკეთ რომ ვთქვათ, ახალი მხატვრული ქართული ლიტერატურა სწორეთ ილია ჭავჭავაძიდან იწყებს თვის დასაბამს²⁾,

დიდი საიდუმლოება რუსეთისა და ჩვენი ლიტერატურის აღორძინებისა, განახლებისა და გამდიდრებისაც იმაშია, რომ მაშინდელმა ლიტერატურამ აშკარათ, პირ წმინდათ გამოხატა და დაახასიათა ცხოვრების სინამდვილის ერთი დიადი ხელსამძღვანელო საზოგადოებრივი იდეა. როგორ გაჩნდა ცხოვრებაში ის იდეა, სად არის იმისი რეალური დასაბამი?—ამის განხილვას მე აქ ახლა არ შევეუდგები, რადგან ეს შორს წავგიყვანდა, დროსაც და ადგილსაც ბევრს მოითხოვდა. ეს დიადი იდეა შეიძლება

²⁾ შემსაღია ის, ვინც ფიქრობს, რომ ახალი მხატვრული ლიტერატურა „სურამის სიხის“ ავტორმა დაიწყო ჩვენში. „სურამის სიხეს“ რომ მხატვრობის ნამსესი—კი არა სცხია, ეს აზრი ჩემზე უფრო ადრე სთავსებდა და შევნივრათაც გარკვეული აქვს თავის სიტყვაში, ისეთს დიდს მხატვარს-მგოსანს, როგორც, აკაკია.

მოკლეთ ორიოდ სიტყვით გამოთქვას: **ბატონ-ყმობის მოსპობის სურვილი იყო არა მარტო იდეა, არამედ მთელი ცხოველი და არსებითი, დიდათ ღრმა და ძლიერი გრძობა,³⁾ რომელმაც ამღელვარა მწარეთ და სწინლადაც მთელი რუსეთი და საქართველოც, რა თქმა უნდა. ტყუილად არა წერს რუსეთის სახელოვანი ბელეტრისტი, ტურგენიევი თავის თავზე:**

„ჩემს თვლებში მტერს... გარკვეული სახე ქონდა; ცხადს სახეს ატარებდა: ეს მტერი იყო ბატონ-ყმობის უფლება. ამ სახელწოდებისთვის შეგკრიბე და თავი მოვუყარე მე ყოველიფერს, რის წინააღმდეგ ბრძოლა გადაწყვიტე ბოლომდე და, რომელსაც, ფიცი მივიღე, არასოდეს არ შევეურიგდე... ეს იყო ჩემი ანნიბალისებური ფიცი; და არც მე მარტო ერას მიმიცია ეგ ფიცი ჩემი თავისთვის მაშინ.⁴⁾

უამფიკოთ, არა თუ ი. ს. ტურგენიევი, მთელი ლიტერატურა რუსეთისა და ჩვენიც არ იქნებოდა ასე გაცხოველებული, აღორძინებული, ენერგიულთ ამღელვარებული და გამდიდრებულიც. ასეთი ფიცი მიეცათ თავიანთი თავისთვის ჩვენი ეროვნების მაშინდელს გოლიათებსაც: იმერთის ეპისკოპოსს გაბრიელს⁵⁾, ილია ჭავჭავაძეს, „საქართველოს მოამბის“ ყველა თანამშრომლებს, აკაკი წერეთელს, ნიკო ნიკოლაძეს, გიორგი წერეთელს და სხვათაც.

II.

ამ მხრივ ქრისტეფორე მამაცაშვილი ახასიათებს ილია ჭავჭავაძეს, რომელიც უკიდურესი დამცველი იყო ყმების გათავისუფლების მიწიანა.

„ერთ კრებაზე წამოდგა ახალგაზდა პოეტი და პუბლიცისტი ილია ჭავჭავაძე, რომელ-

³⁾ იხ. „Опыт философии Русской литературы.“ Андреевича.

⁴⁾ იხ. თხზულებანი ი. ს. ტურგენიევისა. გამოსება 1884 წ. ტ. X. Литературные воспоминания, გვ. 4.

⁵⁾ იმისი შესანიშნავი სიტყვა ქუთაისის მთავარ-ანგელოზის ეკლესიაში, სადაც კინალამ მოკლულ იქნა.

მაც ხმამაღლა გააცხადა, რომ გლეხებს მიწა უნდა მიეცესო. კრების უმეტესობა ამ კანდიდატმა აზრმა ააშოთა. ერთმა თავადმა იზიშვლა ხანჯალი და ლანძღვა-გინებით ილიასკენ გაიწია და ყვიროდა: „გამიშვიტ, გამიშვიტ! ახლავე უნდა მოვკლაო.“ გაგიჟებული თავადი შეაკავეს და ძლივს-ძლივობით გაიყვანეს კრებიდან.

მეორე კრებაზე ყმების გათავისუფლების (მიწიანა) წინააღმდეგ, ილაპარაკა გენ. ლეიტ. ივანე ბაგრატიონ-მუხრანელმა. მან განაცხადა, რომ უმიწოთ ყმების გათავისუფლებას მთელი თავად-ახნაურობა მიეპირობაო, მიწიანათ-კი—მხოლოდ ორიოდ კაცუნაო. ილია ქავეჭავაძემ ორატორს მხარში ხელი სტაცა, მოაბრუნა თავისკენ და კითხა: „ვინ არიან ეგ კაცუნებიო?“ ბაგრატიონ მუხრანელმა მიუგო, რომ ის შეცდა და „რამდენიმე კაცუნას“ მაგიერ, უნდა ეთქვა „რამდენიმე კაცი“... ქრისტეფორე მამაცაშვილი თავის წერილს ასე ათავებს:

„ილია გრიგოლის ძე თავის მოღვაწეობის დასაწყისშივე ძლივს გადაარჩა სიკვდილს გლეხთა ინტერესების დაცვის გამო და შემდეგშიაც არას დროს არ უღალატნია თავისი რწმენისთვის. განსვენებული მგოსანი მუღმივი მომხრე იყო წოდებრივი გათანასწოებისა.

ქართული გაზეთი „თემა“ (№ 178, 1914 წ.) სწერს: „რომ ილია ქავეჭავაძე, მართლაც, მედგარი მომხრე იყო გლეხთა გათავისუფლებისა მიწიანა, ეს ჩანს ცხადათ იმ მოხსენებიდან, რომელიც დასწერა მან 4 მაისს 1864 წელს და, რომელშიაც „იგი უარყოფს მთავრობის პროექტს და ამბობს, რომ გლეხთა გათავისუფლების საკითხი, ისე უნდა გადაწყდეს, რომ ორივე წოდება სრულებით დამოუკიდებელნი უნდა იყვნენ, როგორც პირად, ისე ქონებრივ ურთიერთობის მხრივო.“ ამ მოხსენებას ცნობილი მიუდგომელი მკვლევარი სვ. ავალიანი უწოდებს შესანიშნავს და რადიკალურს. სვ. ავალიანმა ჩვენს ტელეგრაფიულ შეკითხვაზე გვიპასუხა: სახელი თავ. ქავეჭავაძისა აღნიშნული არ არის დოკუმენტშიო. მარა ნუ თუ ეს გარეობა უნდა გვაძლევდეს ნებას, უარყოთ ილიას ავტორობა? ნუ

თუ არ არის საშვალეობა, აღმოვაჩინოთ ამ შესანიშნავ და რადიკალურ მოხსენების ავტორის ქავეჭავაძის სახელი? არის... ჯერ-ერთი, რომ რადიკალი ქავეჭავაძე არავინ იყო იმ დროს, გარდა ჩვენი ილიასი და, მერე, ახლაც ცოცხალია ის ადამიანი, რომელიც იმ დროს მუშაობდა გლეხთა გათავისუფლების საქმეში. ეს გახლავთ თავ. ზაალ ნოშრევანის ძე ქავეჭავაძე, რომელიც „თემის“ რედაქტორის წერილით შეკითხვაზე უპასუხებს: „ვასრულებ სიამოვნებით თქვენი რედაქციის თხოვნას. ის თავ. ქავეჭავაძე, რომელსაც ისხენიებს სვ. ავალიანი თავის შრომის 348 გვერდზე, განსაკუთრებით ჩვენი ცნობილი მწერალი, თავ. ილია გრიგოლის ძე ქავეჭავაძე. მე და ილიას გარდა, არავის სხვა ქავეჭავაძეს არ წარუდგენია მაშინ პროექტი, ან კრიტიკული წერილი“).

თავადი ზაალ ნოშრევანისძე ქავეჭავაძის ამ პასუხსაც ჩვენი ლექტორი ბ-ნი პეტრე გელეიშვილი „ზეპირად გამოცემას და თავის საკუთარ მეხსიერებაზე დამყარებულ ცრუ მოწმობას“ უწოდებს უფრო იმიტომ, რომ 1908 წელს,

*) ბატონი პეტრე გელეიშვილი, რომლის წიგნი „ილია ქავეჭავაძე, როგორც პოეტი და პუბლიცისტი“ ახლახან დაისტამბა თფილისში, უარყოფს ამ ამბავს, როგორც ზღაპარს და ყოვლად მოუზრდებელი კილოთი წერს; ქრ. მამაცაშვილი წერს არა მაშინ, როცა ეს ამბავი გაიგონა, წერს თითქმის მთელი ნახევარი საუკუნის შედეგ და ისიც სხვისგან განავიწყდა ამბავსო. თ.-ახნაურობის კრება იყო 1863 წელს. მამაცაშვილიც წერს „ეპიზოდს“ 1907 სელსო.

საკვირველია სწორეთ ბატონი გელეიშვილის დაჯინებული მტკიცება! რა საჭირო იყო მაინცა და და მაინც 1863 წელსივე ამ ამბავზე წერა, როცა ილიას, თავის სიცოცხლეში, არავის მისცემდა ნებას იმაზე ასეთი ამბები ეწერათ და გაეგებრათ მაშინდელ მოღვივებულ და „მოსოციალისტურ“ პირების თვალში ილიას სახელი, როცა ილიას სახელი გაბერვას სრულიად არ საჭიროებდა არასდროს. ილია მოკლეს 1907 წელს და, ცხადია, ვისაც რა ახსოვდა და გაეგონა ამ კაცზე, იმას წერდა. ზოგი ავს, ზოგი კარგს. ასე მოიქცა პატივსემული ქრისტეფორე მამაცაშვილიც და იგი გასალანძლეო არ უნდა იყვეს—, „ლეგენდის მოხსენიო“. ნეტა, როდის უნდა მოხსობს ჩვენს მწერლობაში ასეთი გაალმასებულე, კაპასი და ანხლი კაცის სიტყვების ხმარება და ტყვილა, უმიზეზოთ კაცის გალანძღვა?!
აპბ.

როცა კავკასიის საოლქო სასამართლო შეეკითხა თავ. ზ. ნ. ჭავჭავაძეს, როგორი განწყობილება არსებობდა საგურამოელ გლეხებსა და თავ. ილია გრიგოლისძე ჭავჭავაძეს შორის, — მაშინვე რატომ არ მოუყვა იგი იმის მტკიცებას, რომ 1863 წელს ილია ყმების სრულ გათავისუფლებას ცდილობდა მიწიანა და სხვა საყურათლებო ისტორიები ილია ჭავჭავაძის ცხოვრებიდან, რომელსაც არავინც არ კითხულობდა იმ დროს თავ. ზ. ნ. ჭავჭავაძისგან. სრულიათ ამჩატებული და შეტიჩრობითაც გატაცებული უნდა ყოფილიყო დაბაისელი და სულგრძელი კახელი ზაალ ნოშრევანისძე ჭავჭავაძე, რომ არა მკითხველ მამაბესავით, გლახა კრიაშვილივით, მოყოლოდა იგი და ერაზუნებინა ის, რაზედაც მას არავინც არაფერს არ კითხავდა ძველი ისტორიის ფურცლებიდან. თუნდაც ეს ისტორიები ძალიან საინტერესოც ყოფილიყო ბატონი პეტრე გელეიშვილისთვის...

გარდა ამისა, ჩვენ აქ ჩამოვთვლით 1863 წელს მცხოვრებ ცნობილ ჭავჭავაძიანთ სახელებს და ბატონმა პეტრე გელეიშვილმა გულზე ხელი დაიდვას და ისე ბრძანოს: რომელი იმათგანი, თუ არ ილია, იქნებოდა ავტორი სწორეთ იმ მოხსენებისა, რომელსაც იხსენიებს პატივცემული სვიმონ ავალიანი თვისი შრომის 348 გვერდზე? ბევრი ლაპარაკი რა საჭიროა: პირდაპირ ბძანეთ, აბა, რომელი ჭავჭავაძე უნდა ყოფილიყო ამ ჩამოთვლილებში, თქვენი აზრით, იმ მოხსენების ავტორი, თუ არ ილია, როცა მხოლოდ ილიას კუთვნილ სტილითაც ადვილათ შეიძლება პირდაპირ დამტკიცდეს ამ შემთხვევაში ილიას ავტორობა...

1863 წლის ცნობილი ჭავჭავაძენი: დავით ალექსანდრესძე ჭავჭავაძე, ზაალ ჭავჭავაძე, თფილისის მსაჯული ნიკოლოზ ჭავჭავაძე (საშას მამა), ვანჯის გუბერნატორათ ნამყოფი და, მერე, დაღისტის ოლქის უფროსი, ნიკოლოზ ჭავჭავაძე, გულბათა ჭავჭავაძე, ცნობილი გენერალი ზაქარია ჭავჭავაძე, რომან ჭავჭავაძე, სპირიდონ ჭავჭავაძე, გიორგი ჭავჭავაძე, სოლომონ ჭავჭავაძე, გიორგი (მეორე) ჭავჭავაძე, ლევან ჭავჭავაძე, ზაალ ნოშრევანისძე ჭავჭა-

ვაძი და ილია გრიგოლის ძე ჭავჭავაძე (ჩვენი მწერალი და მოღვაწე).

მარა ასეთი შეკითხვებითა და განმარტებითაც ჩვენს შეუბოვარს ლექტორს წარბსაც ვერ შევეუბრით, რადგან მას „არქივებში“ დაცული ისტორიული დოკუმენტები უჭირავს ხელში“ ყველა მოწმეების გასაბათილებლათ.

ეს დოკუმენტი, რომელიც ინახება წერა-კითხვის საზოგადოებაში და, რომელზეც არის დამყარებული ბატონი პეტრე გელეიშვილის შეხედულობა, არის ხელნაწერი № 2443, რომელსაც სათაურათ აქვს „შეკრება ოც და ერთის აზრისა, ორას ორმოცდასაქართველოს მემატონეთა მიერ წარმოთქმულის ბატონ-ყმობაზე, შედგენილი აპრილს 1863 წ. 33,9 X 45,5 სანტიმეტრი (იხ. „კატალოგი ქ. შ. წ. კითხვის გამავ. საზოგ. წიგნთ-საცავისა“, თფილისი 1905 გვ. 229).

თელავის უეზდიდან ჩამოთვლილია ცხრა მემამულე ბატონი, რომელთა რიცხვშიაც ურყვია ვინმე კნიაზ ილია ჭავჭავაძეც, რომელიც ხელს აწერს, რომ მამული, რომელშიაც ყმებს აქეთ ბინადრობა, ესე იგი: სახლ-კარი, სხვა და სხვა მოშენება, ვენახი და სახნავი და მთეს ხელ შეუვალ საკუთრებათ მემატონეთა“.

„ვინ არის ეს „კნიაზ ილია ჭავჭავაძე. სასამართლიანათ კითხულობს „თემის“ პატივცემული რედაქცია (ზემოთ დასახელებულსავე ნუმერში), როდის და სად უწერია ხელი (მერე ისიც კნიაზობით, დავუმატებ მე, ხ.) ასეთს აზრებზე, ან სად ულაპარაკნია მაგვარი რამ, ყველა ამაზე პასუხია საჭირო. სანამ უტყუარ მასალას, ამ კითხვების გადასაწყვეტათ არ შეეკრებთ, არ შეიძლება დავეთანხმოთ პ. გელეიშვილს მსჯელობაში. „შეკრების“ შემდგენელს მხოლოდ მაშინ დაეჯერება, როცა ცალკე პირთა საკუთარი (პირადი) აზრი მოყავს, როგორც, მაგ. გენერალ კონსტანტინე შამაქაშვილისა*), ხოლო საცა კოლეგტიური საერთა აზრი

*) არ შემოიძლია გავიზიარო ბატონ პეტრე გელეიშვილის აღტაცება გენერალ კონსტანტინე მამასაშვილისა, რომელიც 1863 წელს გამოსთქვამს სრულიად რეაქციონურ აზრს, საზოგადოდ, პროლეტარიატის შესახებ. 1848 წელს პროლეტარიატმა ევროპის ხმელეთზე უკვე საქვეწმით დაამტკიცა, როგორც გაბედულმა მოქალაქემ, თვისი პოლიტიკური სიმწიფე და იგი მაშინც არ იყო „მანარალებელი, ბალღამი სახელმწიფოში“ როგორც ჩვევით ამის ძიხტი რეაქციონერებს.

აქვს მოტანილი, აქ ის არ დაეძვება, მართლა ყველა მისგან დასახელებული პირის რიცხვით ზოგჯერ ორმოცზე მეტი) იზიარებს მას, თუ არა. მისთვის ასეთ შემთხვევაში, არც დოკუმენტია საჭირო, არც წერილობითი და არც ზეპირი თანხმობა. მას გონია, რომ ამდენი და ამდენი პირი, ამა და ამ აზრის თანახმანი არიან, ან, თუ თანახმა არა, წინააღმდეგი მაინც არ იქნებიანო. ვერავინ დაიჯერებს, რომ ეს „ქნიაზი ილია ჭავჭავაძე“, ჩვენი ცნობილი მოღვაწე და მწერალი იყოს. ეს ილია რო ყოფილიყო, თვით მისი სახელის პირდაპირ მიწერილი იქნებოდა მისი აზრით. მოხსენებული ი. ჭავჭავაძე, ან სხვა ვინმე ილია ჭავჭავაძეა (იყვენ და არიან ჭავჭავაძენი, ჩვენი მწერლის სენიები), ან და ილიას სახელი განგებ არის შეტანილი იმის და გაუგებლათ, რომ მისთვის მოესპოათ საშვალეობა ოპოზიციაში ჩასდგომოდა ბატონ-ყმობის მომხრე თავად-აზნაურობას“...

მე ვთხოვ, ღრმით ჩაუფიქრდეს ამ სიტყვებს ჩვენი პატივცემული ლექტორი, ბატონი პეტრე გელეიშვილი.

(შემდეგი იქნება). **ხომელი.**

რედაქციისგან.

ქუთაისშიაც დაიწყო „ქალღმრთის შიმშილობა“ და რედაქცია იძულებულია ამ ზაფხულის თვეებში, სექტემბრამდე, თვეში თითო ნუმერი სტამბოს. ასეთს ჩვენს უნებლიეთს მწყობრი მუშაობის არე — დარევეს „განთავის“ დღით პატივცემული მკითხველები კარგათ გაითვალისწინებენ და გვაპატივებენ.

ქართული ჰრესა.

სიამოვნებით უნდა აღვნიშნო ჩვენი ნიჭიერი პუბლიცისტის, ბ-ნი ყვირილელის წერილი, რომელიც რუსულიდან გადმოთარგმნიათ და ორ დიდ ფელეტონათ დაუსტამბავთ ქუთაისის კვირულ გაზ. „კვალში“ (№. № 8 და 9).

ავტორი დგას ისტორიული მატერიალიზმის ნიადაგზე, მის ხელში დიალექტიური მეთოდი უძლიერესი იარაღი შექნილა და ნიჭიერათაღ ამარცხებს რუსეთის ს. დემოკრატიის უზუცეს წარმომადგენლებს: გ. ვ. პლუხანოვს, პ. პ. მასლოვს, ნიკ. იორდანსკის და სხვებსაც.

მერე, რამდენი სარკაზმი არის წერილში გაბნეული...

მეორე სახელმწიფო დუმის ყოფილი ჩვენი დეპუტატი ნათლად არკვევს საზოგადო პირობებსაც, რომელმაც გახვია „რუსეთის დემოკრატია ომის აღშე“ (წერილის სათაურიც ასეთია) და პირველათ ქართველი კაცი შესანიშნავის მჭრელის კრიტიკით ამარცხებს გ. ვ. პლუხანოვს, რომელსაც ისეთი პუბლიცისტები, როგორც მაგალითად, ნოე ყორღანიაა, უჩენიკივით იმეორებდა, არა თუ მის აზრებს, მის ტერმინებს და ფრაზებსაც...
ყვირილელის წერილი დიდ წარმატებათ უნდა მივიღოთ ჩვენს სოციალ-დემოკრატიულ ლიტერატურაში, რომელსაც, უეჭველია, მოეწონის დიდი საიმედო მომავალი.

მეორეს მხრით, ყვირილელის წერილი გულში გვიწერავს უკდავი იმედების ნათელს სხივებსაც, რომ ქართველი მოზარდი თაობის ნიჭიერი წარმომადგენელი, რაც უნდა ცუდ და აუტანელ გარემოებაში იყვენ მოქცეულნი, მაინც ძველი, გაუტყეველი ივერიელებივით მხნეთ განაგრძობენ თვისი საკუთარი ნიჭის, გრძობა-გონების გავითარებას, რომ გაუთანასწორდენ, არა თუ თვის პირვანდელ მოძღვრებს და გზის გამკაფველთ, არამედ გაუსწროს კიდევ იმათ, უფრო მაღლაც დადგენ თვისი დროის და ეპოქის აღამიანებზე და ისე განსაჯონ დღენდელი ცხოვრების რთული და მდიდარი მოვლინებანი...

აი, მაშინ და მხოლოდ მართო მაშინ მიეცემათ ჩვენს ქართველ ნიჭიერ მოღვაწეებს ფასი, მაშინ მოიპოვებს ქართული ლიტერატურაც გავლენას და ზედ-მოქმედებას მკითხველ საზოგადოებაზე.

ს ა დ გ ე ი ს ო .

ამ დიად უმაგალითო საერთაშორისო ომმა, მრავალ უბედურებასთან ერთად, ერთი, აუტანელი უბედურებაც მიუვლინა ხალხს. ეს უბედურება ომის გამოცხადების პირველ ხანებში იმდენათ საგრძობი არ იყო, რამდენათაც დღეს არის. მე მოგახსენებთ ცხოვრების გაძვირებაზე, რომელიც ომის გამოცხადებას თან დაყვა და, რომელიც, რაცხანი გადის, მით უფრო მწვავე, საშინელს ხასიათს ღებულობს. გაძვირებისგან გამოწვეულ სიმწვავეს ისიც აძლიერებს, რომ ხალხი ამ გა-

ხანგრძლივებულმა ომმა სხვა მხრითაც უნუ-
გეშო მდგომარეობაში ჩაადგო. მისთვის დღეს
შკირედო რამეც-კი, არამც თუ ისეთი დიდი
უბედურება, როგორც არის ვაჭირება, აუ-
ტანელია.

ვაჭირდა ყველაფერი და საზღაპრო ფა-
სები დაედგა, როგორც უცხოეთიდან შემო-
ტანილ საქონელს, ისე შინაურსაც. ცეცხლის
ფასი აქვს მას, რასაც ხალხი ყველაზე მეტს
ხმარობს და, რაც ხალხისთვის ყველაზე მე-
ტათ საქარია. გლეხსა და შკირე შეძლების
პატრონს ვერ უყილია შაქარი, ნავთი, წუნ
წუმა, პური, ტანთსაცმელი და სხვა. სანო-
ვავის და სხვა საქონელს სიძვირე უფრო
მეტათ სოფელშია საგრძნობი. სოფელი ხში-
რათ ჩარჩ-მევახშების ხელშია და მას პატ-
რონი და მზრუნველიც ნაკლებათ ყავს.

სპეკულიატორებს ომმა, ფულის შოვნის,
ფულის მოხვეჭის მადა ერთობ გაუძლიერა
და, რო დღი ფული იშოვონ, ეს ვაჭბატო-
ნები ყველაფერს ხელოვნურათ აძვირებენ.
ომისგან გამოწვეულ პირობებს იმდენათ არ
გაუძვირებია სანოვავე, რამდენათაც მათმა
გაუმძლარმა მადამ გააძვირა ფუთ—შაქარზე
25 კაპიკი აქციზი მოიმატა, გადატან—გად-
მოტანაც ვაჭირდა, თუნდა 25 კაპიკათ, ე.
ი., დღეს შაქარი გირვანქა 17—14 კაპიკათ
უნდა იყიდებოდეს და არა 20—25 კაპიკათ.
ასევე ითქმის პურზე, ხორცზე, ნავთზე და
სხვა უსაქაროეს ხორავზე.

როგორც მოგახსენეთ, ომმა სპეკულია-
ტორთა მტაცებლის მადა გაზარდა. აგრე-
თვე ამავე ომმა ბევრი პატრონანი ვაჭარი გა-
ხადა ჩარჩათ—მტაცებლათ, ჩარჩული ინსტი-
ტები მათში, იმდენათ გაძლიერდა, იმდენათ
გაიწია, ყოველგვარ საზღვარს გადააჭარბა და
მთელი ხალხი აალაპარაკა...

ცხოვრების გაძვირება დღეს რუსეთშიაც
ერთი უმწვევესი საკითხთაგანია და ამ საკითხს
დიდი ყურათლებაც მიაქციეს. ქალაქის თვით-
მართველობანი, საერობო დაწესებულებანი,
კოოპერაციები, განსაკუთრებული თათბირები,
ობივატელთა კომიტეტები, სპეციალური კო-
მისიები და საზოგადოების ამა, თუ იმ კლასის
კრებები ამ დიდ საკითხს თავს დატრიალებს
და იწუშავებს რიგს ზომებისას გაძვირებასთან
საბრძოლველათ. საკითხმა მთავრობის წრებში
ის დიდი ყურათლებაც დაიმსახურა და ამ
საკითხის მოსაწესრიგებლათ იქაც ვაცხარე-
ბული მუშაობაა. ხსენებულ პირთა, თუ

დაწესებულებათა სიტყვა და საქმე ერთი შვი-
იქნა და სიტყვიდან ფაცხლავ საქმეზე გა-
დავიდენ. სხვა და სხვა ინსტანციებში შვა-
დგომლობისა და თხოვნის შემდეგ, ისე მო-
აწყვეს საქმე, რომ იშოვოს ვაგონები სანო-
ვავეთა შემოსატანათ და სულ მოკლე ხანში
ეს, თუ ის ქალაქი სანოვავის მხრით უზრუნ-
ველ ყვეს.

დაარსდა სპეციალურათ ამ საქმეზე მზრუნ-
ველი კომისიებიც, გამოიკრა ნიხრი, სასტიკი
ყურათლება მიაქციეს მის ცხოვრებაში ვა-
ტარებას, გაიხსნა სხვა და სხვა სანოვავეთა
საწყობი და მით საკითხს ცოტათი სომწვავე
დაეკარგა. ქალაქებში, ქალაქის თვითმართვე-
ლობებში და სოფელში საერობო დაწესებუ-
ლებებში არ შეიწყნარეს მცხოვრებთა ინტე-
რესებზე თარეში ჩარჩ—მევახშებისა და სპეკუ-
ლიანტებისა. როდესაც ამ უკანასკნელებმა
მცხოვრებთ ინტერესების გაქელვა მოინდო-
მეს, აქ მათ წინ აღემაართათ თვითმართვე-
ლობანი და ერობები.

ლირსეულმა პატრონებმა, ლირსეული
პატრონობა გაუწია ხალხს და, თუ თლად
ვერ გაათავისუფლა ხალხი სპეკულიატორე-
ბისგან, ცოტათი მაინც შეასუსტა მათი თავ-
აშეებულება და, რამდენათაც შესაძლებელი
იყო, დაიხსნა ხალხი მათი გაყვლეფისგან.
სხვა რომ არ იყვს, მცხოვრებლების თვალ-
ში თვითმართველობათა ამ ინსტიტუტის
მოღვაწეობას ის მნიშვნელობა მაინც აქვს,
რო ხალხი უპატრონოთ, ობლათ არ იგრ-
ძნობს თავს და, რომ ის დაინახავს საზოგა-
დობრივ ორგანიზაციათა დიდ სურვილს მათ-
დამი დახმარების საქმეში, ხალხისთვის ის-
იც დიდი ნუგეშია, რომ ამ ვაჭირებისას მას
ხელი გაუწოდეს და მის ვაჭირებას გულ-
წრფელათ გამოეხმარეს.

ის, რაც შეუძლებელი იყო ვაცალკავე-
ბულ ამა, თუ იმ კუთხის საერობო დაწესე-
ბულების, თუ თვითმართველობისთვის, შესა-
ძლებელი გახდა გაერთიანებული ქალაქების
და სრულიათ რუსეთის ერობათა კავშირი-
სთვის. ყოველ დროს არის მნიშვნელოვანი
ასეთი გაერთიანება. მარა დღეს, სხვა დრო-
ზე, უფრო მეტი მნიშვნელოვანია ის. ერთ-
მანეთთან დამოკიდებულებამ და ერთმანეთს
შორის მჭიდრო კავშირმა გამოარკვია ისლ,
რა სანოვავის სიმძირე, ან სიმრაველია.

(დასასრული იქნება.)

მ. ხანელი.

მიიღება ხელის მოწერა.

ამა 1915 წ. ეკენისთვიდან გამომავალ სალიტერატურო, სამეცნიერო და სა-
პოლიტიკო უოველთვიური უურნალი

„ახალი მოამბე“

უურნალი პარტიათა გარეშეა, დემოკრატიულ-პროგრესიული მიმართულებისა
უურნალში უმახლობელეს მონაწილეობას მიიღებს ივანე სპ. ელიაშვილი.

თანამშრომლებად მოწვეულნი არიან ჩვენი ცნობილნი მწერალნი.

უურნალში დასაბეჭდათ მოწონებულ ნაწარმოებთა ავტორებს მიეცემათ
შესაფერი ჰონორარი

პირველი ნუმერი გამოვა ეკენისთვის 20—25—დი, ზომით 15—20 ფორმამდი
რედაქციის ბინა: თფილისი. ყაზბეგის ქუჩის შესახვევი № 4. ფოსტით: Тиф-
лись, ред. груз. жур. „Ахали Моამბე“.

ფასი: წლიურათ 10 მ., ნახევარი წლით—6 მ., ხოლო ამა წლის ეკენისთვი-
დან ქრისტეშობისთვის გასვლამდი—4 მან. ფული უნდა გამოიგზანოს: Тиф-
лись, редакция груз. жур. „Ахали Моамбე“. Ивану Спир. Элиашвили.
რედაქტორ-გამომცემელი ნინო ბეჟ. ყიფიანისა.

უოველდღიური საპოლიტიკო და სალიტერატურო გახეთი

„სახალხო ფურცელი“

(სურათებიანი დამატებით).

წლიურათ ღირს 8 მან. 50 კ. ერთის თვით—75 კაპ.

მისამართი: Тифлись, газ. „Сахалхо Пурцели“ поч. ящ. № 190

თფილისის წიგნის მაღაზიეზი იყიდება

გ. თუმანიშვილის წიგნები:

Итоги земскихъ совѣщаній на Кавказѣ.

ფ. 60 კაპ.

Характеристика и воспоминанія,

(ქართველი და სომეხი მწერლები და სხვა მოღვაწეები. ქართული თე-
ატრი. —რუსის მწერლები და მოღვაწეები კავკასიაში).

მეორე შეესებული გამოცემა. ფ. 50 კაპ.

ПЕРВЫЙ КАМЕНЬ

(Къ закладкѣ фундамента Тифл. Политехникума).

ფ. 15 კაპ.